


STENONIS. N.
OBS: ANATOMI
1662.

BARTHOLINUS. P.
DE VASIS LYMPH
1661.

HORNE. J.
MIKROKOSMOS
1662.







• IV 4.

1-2
3)
4)

The Library of the
Wellcome Institute for
the History of Medicine

MEDICAL SOCIETY
OF
LONDON
DEPOSIT

Accession Number

Press Mark

1-2) STENO, N.

3) BARTHOLIN, T.


4) HORNE, J. van


The Library of the
Singapore Institute for
Research in Medicine


CLINICAL SOCIETY
OF
LONDON
DEPOSIT

Accession Number

1915/101







M

G

Ep

Apud

John Blagood
NICOLAI STENONIS

DE

MUSCULIS


ET

GLANDULIS

Observationum Specimen.

Cum

Epistolis duabus Anatomicis.



AMSTELODAMI,

Apud PETRUM le GRAND, 1664.

SERE

TISSI

FR

T

DAN

DA

QU

VI

MA

Co

& I

DOM

SERENISSIMO ac POTEN-
TISSIMO PRINCIPI & DOMINO,

D O M I N O

FRIDERICO
TERTIO,

DANIÆ, NORWAGIÆ, WAN-
DALORUM, GOTHORUM-
QUE REGI; DUCI SLES-
VICI, HOLSATIÆ, STOR-
MARIÆ & DITHMARSIAE;
COMITI IN OLDENBURG
& DELMENHORST,

DOMINO MEO CLEMENTISSIMO,

Quæ mihi hætenus in Anatomicis vi-
dere contigit, his paucis compre-
hensa, quam humillimè offero

Subditus devotissimus,

NICOLAUS STENONIS.


LIBRARY OF THE
MUSEUM OF NATURAL HISTORY

OF THE
SMITHSONIAN INSTITUTION


FREDERICK T. H. T. T.

THE
LIBRARY OF THE
MUSEUM OF NATURAL HISTORY
OF THE
SMITHSONIAN INSTITUTION
WASHINGTON, D. C.

THE
LIBRARY OF THE
MUSEUM OF NATURAL HISTORY
OF THE
SMITHSONIAN INSTITUTION
WASHINGTON, D. C.



Musc.




Ling.



vitell.



Lymph.



NIC

M U

G

OBS

simorum

cerem, P

& Amitel

lisdem n

publice l

rum. A

cum suar

li liberal

tum in n

aut cujus

cuille ob

ctatum o

brevissim

Sed licet

NICOLAI STENONIS
DE
MUSCULIS
ET
GLANDULIS
OBSERVATIONUM
SPECIMEN.

Neunte vere superioris
annicum, quæ circa cordis
fabricam Anatome, divinâ
favente gratiâ, mihi tum
temporis detexerat, Clarif-
icorum Amicorum voluntati ut satisfac-
erem, privatis sectionibus variis & Leidæ
& Amstelodami demonstrarem; pollicebar
isdem me suis singula figuris illustrata
publicæ luci proximâ occasione expositu-
um. Ad quod eò felicius perficiendum
um suam mihi operam ex iisdem nonnul-
liberaliter offerrent, volui & ego; quan-
um in me, mea eò studia dirigere omnia;
t cuius principia tantis Viris non displic-
uisse observavi, id ipsum plenius pertra-
tatum omnium examini, quam liceret,
revissimum intra tempus submitterem.
ed licet omne moverem saxum, licet,
A quam

quam mihi præstiterint humanitatem, quæ
suis in nosodochiis hospiti subministrarint
subsidia, nunquam satis laudare possim,
non licuit mihi esse tam beato, affecta ut
perficerem, tum quod variâ me inde avo-
carent commodissimò sectionis tempore
impedimenta, tum maximè, quod ipsa in-
quisitio, exspectationem præter, plurium
rerum secum traheret indaginem. Habent
enim hoc rerum naturalium examina, ut
nihil adeò ab aliorum commercio judicetur
alienum, quod non multorum unâ secum
involvat considerationem; & quò diutius
inhæres singulis, eò in omnibus plura desi-
deres, uberiores in omnibus inquirendo-
rum offendas materiam. Prima cordis se-
ctio hæc mihi revelavit: [1.] Nullum in
corde à fibris diversum parenchyma: [2.]
Nullam in cono desinere fibram, sed intor-
tas circa illum singulas oppositò, quam
descenderant, locò adscendere. Indè eo-
rundem in aliis confirmationem quærenti
[3.] occurrebat fibrarum ductus, quem
in omnibus eundem notabam, puta nec
rectum, nec circularem, sed tantum circa
medium sui nonnihil incurvatum. Hic
ego jam facilem ad distinctam claramque
cordis adipiscendam cognitionem patere
credidi viam, quandoquidem his paucis
multa dubia, quæ præstantissimos & no-
stri seculi & superiorum Anatomicos in-
ter

ter se commiserant, spontè viderem evanescere. Sed cum arreptò stylo singulorum aggrederer accuratiorem descriptionem, cum omnium & in toto corde, & in singulis fibris partium situm ordinemque scrutarer attentius, hic diem excipiens dies, novas oriente luce induxit tenebras, ad quas discutiendas nullum, nisi ab musculorum cognitione, remedium. Et sic cordis scrutinio accedens musculorum examen id effecit, ut alia varia linguam, oesophagum, levatores costarum, & earundem depressores &c. spectantia, imo ob sectiones in amicorum gratiam instituendas, quædam peregrina planè ultrò se offerrent. Hac itaq; ratione non modo occurrentibus fortè impedimentis avocatus, sed & aliarum inquisitionum partim necessitate, partim curiositate detentus, non potui ad finem optatum, quâ speraveram celeritate, pertingere. Et jam tandem ad umbilicum ferè omnia perduxeram, cum ecce casum inexpectatum, qui non à chartis modò & sectionibus me meis abstraxit, sed & omnem simul spem abstulit eodem ad aliud quod tempus revertendi. Ne itaque fidem fallere videar, neu, quæ hòc fine à me acta, propter alias causas gesta credantur, adeoque suspitionibus parum æquis innoxius ubijciar, hòc velut indice, quænam illa sint, quæ de corde musculisque meditor,

quantum mea mihi suggerit memoria; indicabo. Quia verò observationum non ita pridem editarum, vel amicos tantum inter ut distribuantur, sufficientia exemplaria desidero, quæ mihi de Glandulis potiora visa, novis observationibus hinc inde aucta & illustrata prædictis subjungam.

Ut honore dignos ignominiòse tractat sæpius, saltem tenebris suis relinquit immersos, sic non magna meritis ad summæ rerum fastigia non rarò extollit, quæ non malorum minus, quam errorum fecunda Mater audit, parum circumspectæ eorum, quæ considerari, & poterant, & debebant, consideratio. Illud suò nos Glandulæ doceant exemplò, hujus vivam in corde imaginem notamus. Cor innati calidi sedem, animæ thronum, quin ipsam nonnulli animam voluerunt: Cor solem, imò Regem salutarunt, cum tamen ubi rem ritè examinaveris, non nisi *musculum* sis inventurus. Non equidem ignoro Galeni effatum, qui Administrati: Anatom. l. 7. § 9. *Nihil ait, intelligunt, qui cor musculum esse dicunt.* Nec obscura magni Hofmanni in illos san-na, qui à nerveo plexu cordis deducunt motum, dum de thorace l. 1. c. 8. ait *illos ridebo potius, quam confutabo.* Sed nisi de oratione diducenda, quam de invenienda veritate, solliciti magis hoc in loco fuissent nominati modo celeberrimi Viri, nisi, quæ sibi

fibi ipsi finxerant, principia illis, quæ ex naturæ phænomenis hauriuntur, prætulissent, suum sic judicium, ut hic, ita plurimis aliis in locis, minimè præcipitassent; nec inquam adeo censuram tulissent de illis, qui quam ipsi fortè sibi persuadere non poterant, sententiam tuebantur. Sc. veritatem negasse parum, à negatione risus si abfuerit, & contemptus. Sed rideant licet, dicantque; eos nihil intelligere, qui cum Medicorum Principe, Hippocrate cor musculum pronuntiant, ejusque motus ministros cum recentioribus putant nervos, nervos tamen illius ad motum concurrere, ipsumque cor revera musculum esse, cum sensibus conspirans ratio manifestè satis evincet: Id quod ob multiplicem experientiam nunquam satis laudati Celeberrimi Viri D. Harvejus, & D. Sylvius jam ante ex parte docuerunt, licet ille distinctam fibrarum non habuerit cognitionem, hunc aliæ curæ cœptam telam pertexere non siverint. Verùm quo dicta pateant evidentiùs, brevem eorum præmittam enarrationem, quæ musculi historiam paulò, quam hætenus factum clarius, ut spero, distinctiusque; notam reddent, tum quorundam usum ex fibrarum situ reddendo certiozem, tum veram omnibusque competentem fabricam delineando.

In thorace non ubique; Scriptis Anato-

micorum respondet autopfia, unde non mirum tantas opinionum tamque discordes ibi occurrere diverfitates. Non hujus loci est nec temporis omnes illas recitare controversias, quas respirationi inservientes musculi hactenus aluere: suffecerit ad illas tollendas, quæ Anatome depromit, indicasse.

*Inter-
costales
exte-
riores.*

Intercostales varii varios voluere, quidam etiam è musculorum numero eximendos, non sanè aliam ob causam, nisi quod fibrarum verus in musculo ductus non satis perspectus. In exterioribus id patet maximè, ubi diversos omnino musculos pro uno & eodem habuerunt. Fateor idem omnes præstare munus, sed id non obstat, quo minus pro distinctis habeantur, qui ortu diversi diversum tendinis habent situm, & angulos cum costis constituunt diversos: quales qui à transversis vertebrarum processibus in costarum inferiorum superius latus descendentes *costarum levatores* suò jure videntur salutandi.

*Levatores
costarum.*

Hic, qui vertebris continuus, tendo exterius conspicitur diffundi, costis vero qui jungitur, per oppositam interiori superficie partem se expandit. Initium intercostalium hos appellat exercitatissimus Spiegelius, qui solus, quod scio, intercostalibus esse cum vertebris commercium notavit. Sed quis intercostalis musculi dixerit

rit initium, quod ne intercostale quidem est, cum non costam, sed vertebram costæ jungat? præterea in costis inferioribus vix intercostales, nisi inferioris tendinis extremo velut apice, contingit, cum quibus angulum ibidem in inferioribus constituit tertiâ quadrantis parte ampliorem, nec illa exteriorum intercostalium negligenda pars, quæ superioris costæ osseam extremitatem cum inferioris cartilagine connectit. De carnis vero longitudine tendinisque insertionem quæ dici poterant, ex generali musculorum frabrica patebunt facile attendenti.

Sacrolumbi verum usum non observatus *Sacro-*
fibrarum ductus reddidit obscurum: de eo *lumbi.*
multa possent afferri, sed cum in variis omnia necdum examinaverim subjectis, nec humani cadaveris mihi data occasio, ex quo in illius inciderim examen, quid in paucis illis, quæ interea secare licuit, viderim, brevibus referam. Ossi sacro & spinosis lumborum apophysis ejus adscribunt ortum, cum tamen minima tantum ejus pars suam inde ducat originem, reliquâ, quæ maxima, à costis oriundâ. Non vero ab inferiore costa in proximè superiorem illicò feruntur fibræ, sed quædam tres, aliæ plures intermedias transcendunt. Nec, quas una emittit, fibræ uni tantum inferuntur, sed quædam tribus, aliæ quinque;

nonnullæ septem costis prospiciunt. Pari quoque ratione quilibet conspicuustendo non ea, quam una subministrat, contentus carne, quibusdam in locis à quinque costis amissas colligit fibras. Nec confusa hæc adeò quin in subiecto mediæ magnitudinis separari & demonstrari possint faciliè, tum à tendine retrorsum descendendo sectione recta, ut multiplices ejus conspiciantur ventres, tum sectione laterali seu transversa à spatio inter costas intercepto fursum pergendo, ut tendinum unius ventris videatur numerus: quandoquidem quilibet integer venter pluribus tendinibus largiatur suam singulis partem, & integer quilibet tendo pluribus è ventribus suam à singulis partem accipiat.

Triangularis.

Triangularis dictus musculus à costarum verarum ossæ extremitate ad mediam sterni lineam pergit, sed non eodem fibrarum ductu; quandoquidem superiores acutum cum iterum angulum conficiant, illas vero excipientium reliquarum, quo fuerint inferiores, eo anguli minus acuti deprehendantur.

Diaphragma.

Diaphragmatis historia multis & dubiis scatet & falsis. Nec enim centrum versus omnes confluunt fibræ, nec in centro motus principium, sed fibrarum extremitas in vertebra altera, altera in ambitu, qua costis sternique appendici jungitur, mediam
vero

vero membranam tendinum fibræ consti-
tuunt, inter medias carnes, velut in diga-
strico musculo, interceptæ, ductuque
non rectò, sed variò, quam elegantissimè
circumductæ. Radices ejus binas tantum
agnoscunt uni vertebræ insertas, cum mi-
hi pauciores tribus nunquam visæ, sæpè ve-
rò quadruplices notatæ, semper quotquot
fuerint, duarum se mutuo excipientium
vertebrarum superiori supercilio circa me-
dium infixæ, unde per mediam earundem
asperam lineam descendere tantillum vi-
dentur. Nuper in cane, ubi tres diaphra-
gmatis erant tendinis hujus partes, vidi mi-
norem sinistram tertiæ dorsi vertebræ in-
sertam, dextras vero quæ & binæ erant,
& singulæ dicta majores, tertiæ quartæque;
continuari. Carnium ductum circuli ra-
diis voluere similem, sed parum congruè:
fac enim illis competere, quæ costarum in-
hærent circulo; quarum tendines versus
dorsum confluunt, omnino repugnant.
Quid quod membranarum quidem non
autem ubique fibrarum interventu reli-
quis adhæreat, cum tota radices ejus inter
& costas intercepta peripheriæ portio, si
pleuram separaveris & peritonæum, o-
mninò libera sit conspicienda. Liceat mihi
cum Anatomicorum venia dicere, necdum
ullam diaphragmatis mihi in illorum ta-
bulis visam figuram, quæ veram ejus teste-

tur factam Anatomen ; usque adeo nec fibrarum vel in carne, vel in tendinosa membrana ductum, nec tendinum vel in costas, vel in vertebrae insertionem, nec destinatum ventriculo transmittendo hiatum vere delineârunt, ut taceam, quæ alia, quo loco in tendinem abit caro, elegantissima potuissent notari. Sed, nisi Deo aliter visum, de his aliisque alibi plura. De principio ejus & fine quæ non leguntur disputationes, licet partem parti non adducat diaphragma? Nec enim, cum vel maxime tenditur, in rectam extensum est, nec circa quam moveatur, trochleam habet, (nisi abdominis hic volueris nominanda contenta:) nec quibus inhæret, solum præter cartilagine[m] ensiformem, ulla pars, dum ipsa movetur, mobilis est: vertebrae namque fixas quis negabit? costas verò rigidas, qui illas elevant, tenent musculi. Multa alia sunt, quibus respirationis historiam obscuram reddidit neglectum accuratius musculorum examen, sed nihil majorem movet admirationem, quam quod costis movendis illos addixerint musculos, quorum opposita si quiesceret extremitas, alii tenderentur musculi, ut pars, cui inhærent, ratione costarum, pro quiescente haberetur. Sed his missis quorundam musculorum describam in respiratione usum, quorum demonstrationem mathematica-

thema-

thematicâ fortè non minus certam non poterit non invenire, qui, quos dorsum, costæ, sternum, musculi inter se conficiunt, angulos attentè examinare non recusaverit.

Levatores costarum cum intercostalibus exterioribus. [1.] & sursum & retrorsum costas movent, [2.] spatia intercostalia dilatant, [3.] inter cartilaginea intervalla contractiora reddunt, inferiorisque costæ cartilaginem versus superioris ossæam extremitatem adducunt.

Musculorum quorundam in respiratione usus.

Triangularis musculus versus costarum verarum extremitates ossæas sterni humiliores partes sursum adducit, cartilaginum spatia contrahit, ossium spatiis dilatandis inservit.

Intercostales interiores [1.] sternum quasi detrahunt [2.] cartilagines à se invicem diducunt, [3.] costas superiores ad inferiores deducunt, earumque spacia reddunt arctiora.

Sacrolumbus dictus costas & deducit, & ad se adducit mutuo.

Diaphragmatis, non tam ora contractior fit, quam arctior convexitas: omnes enim, quas à vertebrais ad reliquum ambitum placet concipere, lineæ & cum resolutum langvet, & cum tensum riget diaphragma, quâdam sui parte incurvata sunt, convexâ thoracem, abdomen

concavâ respicientes. Hæ quo minus ten-
 fæ, eò magis convexæ, eò amplius ab-
 domen, angustior thorax; quò vero con-
 tractæ magis, eò minor convexi diaphrag-
 matis superficies, eò thorax amplior, an-
 gustius abdomen. Et sic thoracis fundus
 in inspiratione depressior, in expiratione
 adscendit: quid vèro diligentissimo alias
 Arantio imposuerit, qui se in equa & visu
 & tactu observasse ait, in expiratione con-
 stringi diaphragma, non video.

In cygno primum, hinc & in Gallinâ
 vidi à costis in pulmonum membranam
 carnosas ferri fibras, sine omni dubio in
 respiratione non otiosas.

Sed hæc *ὡς ἐν πνεύματι*: ad observationes
 ipsam musculi fabricam spectantes progre-
 diamur.

*Fabri-
 ca mu-
 sculo-
 rum,*

Cum ab cœpto cordis scrutinio deterre-
 re inciperent, quibus musculorum do-
 ctrina involvitur, dubia, cuniculi, ejus
 tum fortè ad manus cadaver, pedem ar-
 reptum in suos resolvi musculos visurus,
 num spes ad certiora perveniendi superes-
 set. Primus, in quem fortè incidi, resectus,
 & ab extremo ad extremum recto ductu
 divisus simplicissimam omnium, quos in-
 de videre contigit, exhibuit figuram: ten-
 dines enim oppositi in extremis collecti,
 ad carnosum ventrem ubi pervenerant,
 diffundebantur ità, ut alter superiorem,
 in-

*Simpli-
 cium.*

in-

inferiorem alter medii ventris per superficiem expansus sensim attenuaretur; has inter expansiones tendinosas carnosæ recto ductu incedebant fibræ, suis singulæ tendinosis fibris continuæ. Inde alios aliosque ad examen vocavi musculos, qui primam observationem ad unum omnes egregiè confirmabant. Licet verò primam in omnibus invenirem figuram, non tamen eodem ubique modo: in quibusdam omnino simplicem, in aliis compositam, & id quoque variè: vix autem in ullo elegantior, quam in temporali, qui à maxillæ processu ad cranium usque fibrarum ductum sequente cultro dissectus pulcherrimo oculos schemate oblectavit. Tendo enim inferior mediam in carnem adscendens in laminam quasi sensim attenuatur, cui carnes eodem utrinque adfistunt modo, quo pennas avium plumulæ ornant: quæ ab interiore tendinis latere oritur, caro proximè continuatur craniò, opposita pars expansum habet supra se tendinem, quo interveniente itidem craniò inferitur. Miror non ad ulterius examen scitissimo fibrarum ductu abreptos, qui è medio temporalis prodire viderunt tendinem. Sunt & alii hinc inde quærendi muscoli, quos idem fabricæ commendat artificium.

Inde ad linguam perrexi, ubi muscu-

Compo-
sito-
rum,
ut tem-
poralis.

Lingua
sub-
stantia.

lorum extrema in peculiarem abire substantiam voluerunt. Sed facto examine vidi peculiarem hanc substantiam musculosam esse, quod ut alii, sic & Nicolaus Massa in suo libro Anatomix introductorio à variis linguæ motibus demonstravit, licet fateri coactus carnem hanc *non esse distinguibilem, sed tantum per operationes cognoscendam*. Sed ἀδύνατον ilico non pronuntiandum, quod nobis ἀδύνατον fortè visum. Ab apice namque ad ipsam usque basin distinctè omnes fibrarum series demonstrare licet attendenti, quæ in toto linguæ corpore tantum triplices. Exteriores superiorique superficiei proximæ fibræ rectum secundum linguæ longitudinem servant ductum, reliquarum totum medium corpus occupantium duo tantum genera, unum quod à superiori linguæ plano descendit, alterum quod à medio versus latera in homine recedit. In certas hæc duo genera series disposita sunt, se alternatim excipientes, quarum singulæ vix nisi unam in crassitie continent fibræ, ita ut stratum super stratum hic non ineptè applicarent Chymici. Ipsum superius linguæ planum tunicam exteriorem inter & carnes carniū tendines servat clausos. Sed hæc innuisse suffecerit; nec enim patitur locus ad opiniones gustum spectantes linguæque varium in variarum literarum

rum pronuntiatione motum, explicandas evagari.

Oesophagus in quibusdam, quibus contextitur, fibras multas licet possideat, spirales omnes ad duo tamen genera commodè illas reduxeris, duas nempe cochleas, quæ ubi contrario ductu sibi occurrunt, ita se interfecant, ut quæ sub altera eousque incesserat, mox alteram scandens supra illam, donec sibi iterum occurrant fibræ, progrediatur. An aliis etiam piscibus datus, quo raja superius ventriculi sui orificium constringit, musculus, nondum experimento didici. Elegans ille omninò unius tantum generis spirali lineâ multis vicibus dictum orificium ambit.

*Oesophagi
carnosa
dicta
tunica.*

*Ventriculi in
raja superior
sphincter.*

Longum foret singulos recitare musculos, omnesque ibi occurrentes evolvere differentias; certas tantum proponam conclusiones ex observatis deductas.

I. In omni musculo reperiuntur arteriæ, venæ, nervi, fibræ, membranæ: addunt quidam lymphatica, quæ licet circa musculos viderim sæpius, in musculis necdum mihi visâ ingenuè profiteor.

*Partes
musculi
componentes*

II. Nullus occurrit musculus, cujus singulæ fibræ non abeunt utrinque in tendinem; sive tendines hi omnes vel utrinque vel ab altera tantum parte in firmos colligantur tendines, sive in membranam diffundantur, sive in osseam degenerent

*Fibrarum
extrema*

ri-

rigiditatem, quod non fini magis competit, quàm principio.

*Medi-
um*

III. Caro non est parenchyma vel tomentum, sed eadem fibrillæ, quæ arctè sibi connexæ tendinem componunt, laxiùs junctæ carnem constituunt. Et hòc sensu verè dictum, tendinem esse corpus continuum à principio musculorum ad finem.

*Ductus
& An-
guli.*

IV. Nulla in ullo musculo facile repériunda fibra, unam rectam quæ constituat lineam, sed singulæ in tres minimùm lineas, quæ duos angulos alternos comprehendunt, divisæ. Nec ipsæ hæ tres lineæ semper rectæ, sed sæpè caro (ut saltem in sphincteribus, quos musculorum nemo facilè exemerit numero) interdum & tendo (ut cum incurvata manu adducuntur digiti) curvam efficiunt lineam.

Quantitas.

V. Nominatæ tres singularum in eodem musculo fibrarum lineæ non eandem servant longitudinem, licet totæ fibræ inter se collatæ vix ullum extensionis agnoscant in plerisque musculis discrimen.

Sed ut hæc fiant intellectui clariora, præmittenda partium specialior denominatio. Binas musculus quilibet rectus & simplex, qui aliorum norma, sectiones juxta fibrarum ductum admittit, rectam alteram, alteram transversam, non quidem plano per medium transversim omnia

nia secante, sed ita à latere ad latus acta, ut tendines cum carne maneant integri, ut itaque distincta distinctis sint nomina, liceat series fibrarum rectas ordines, transversas autem versus vocare.

Ejusdem ordinis fibræ, in eodem plano sunt & parallelogrammum obliquangulum, seu rhomboideam exhibent figuram, cujus duo opposita parallela, quo loco cum reliquis parallelis acutos comprehendunt angulos, angulos extra oppositas in partes porriguntur. Et hæc extra figuram pergentia parallela oppositos tendines referunt in diversa abeuntes, reliqua his intercepta, totamque figuræ aream replentia parallela carniū situm repræsentant. Rem physicam proponenti venia detur, si mathematicis nominibus physicas, non mathematicas, designem lineas. Adeò enim omnis latitudinis non sunt expertes hæc lineæ, quin carnes singulæ totidem parallelogramma, tendinum duæ oppositæ collectiones duo trapezia referant. Sed illam Mathematicis relinquamus *auxilietur*. Hic notandum primo in utroque tendine, ut ut tenui, totidem esse filamenta sibi mutuò incumbentia, quot in ventre numerantur carnes, unde patet quanto compactiores carnibus tendines. 2. Interiora filamenta tendinum exterioribus semper breviora: hinc in eodem

dem ordine fibræ licet & totæ, & qua carneæ sunt, inter se sint æquales, tendinofarum utrinque partium certam servant inæqualitatem, quam Syringæ veterum assimilaveris non ineptè: & sic quemlibet ordinem accuratiùs si inspexeris, tres invenies figuras, duas sibi inverso modo oppositas syringas, & medium parallelogrammum.

Fibrarum versus ut plurimum in tres figuras resolvitur non eidem plano incumbentes, unam carniū, quæ rectangula, tendinum duas, quæ vel rectangulæ, vel triangulæ, vel trapeziæ pro varia tendinis integri figura, hinc facilè singularum in versibus fibrarum determinanda quantitas. Ex versibus sibi mutuò ita impositis, ut media illorum plana quoddam quasi parallelepipedum componant, musculus exfurgit, ubi versuum compages ex fibrarum in ordinibus serie innotescit; cum tot in musculo sint versus, quot in quolibet ordine fibræ, & in versibus extimis tendinum oppositorum ejusdem versus maxima notetur in extentione diversitas, in reliquis, quò ab extremo versus medium recesserint propius, eò magis magisque sensim decre-

*Musculi
divi-
sio in
extre-
ma &
me-
dium.*

VI. Verè & commodè quilibet musculus dividitur in ventrem & tendines, s. medium & extrema; de fine verò & principio deque

deque ligamento controversiæ nunquam,
 nisi certum posueris fundamentum, deter-
 minandæ. Si liceret mihi hic liberè fari,
 non ego carnes respicerem, non tendines,
 nec de nervi insertione sollicitus essem, sed
 extremum quiescens, principium, mobi-
 le, finem dicerem: cum verò vices inter-
 dum mutant extrema, & quod jam mobi-
 le, aliò corporis situ, quiescens evadat, abs-
 tinerem potius istis nominibus, & in ex-
 tremorum appellatione acquiescerem,
 cum propriè loquendo, neutrum vel
 principii vel finis mereatur nomen. Nec
 enim eò modò generatur musculus ac si ab
 una parte sensim progredieretur versus al-
 teram, cum sanguinis id non patiat motus:
 nec omnibus semper musculis eadem
 extremitas quiescens: & si pro principio
 illud habendum, versus quod reliqui sit
 motus, in omnibus musculis pro principio
 habendus venter, quandoquidem pro situ
 vario, utriusque extremi ventrem versus
 fiat motus, & in ventrem vasorum fiat in-
 sertio: adeoque si partium successiva ad-
 mittenda generatio, inde petenda origo,
 ubi vasorum insertio deprehenditur. Sunt
 hujus generis alia, quibus multum tempo-
 ris impenditur & chartæ, & tandem ubi
 examinata omnia, probabili ornando dis-
 cursui serviunt, rei veritati nullum omni-
 nò præstant usum. Ut itaque in certis sub-
 sistat

tendi-
 mus.

sistamus, retineamus musculi divisionem in ventrem seu mediarum carnum corpus, & tendines, seu extrema. Nec enim existimandum carere extremorum altero musculum, cujus carnes ossibus, sine interveniente tendine, inhærent, ut in parte musculi temporalis; in variis artuum musculis. Nonne in prima partium generatione, quæ modo ossa, membranæ fuere? at in ossa tendines abire, in avium genere frequens; ubi sane non aliter medio tendinum ossi continuantur carnes, quàm musculi temporalis carnes cranio inferuntur.

Duo itaque in quolibet musculo tendines ex tendinosarum fibrarum versibus compositi, cum ex oppositis partibus prodeant, per ventris oppositas hedras expansi sensim tenuiores evadunt: Suntque vel simplices quorum expansiones exterius conspiciuntur; vel compositi, ubi in uno extremo per medias carnes ingreditur, in altero medias utrinque amplectitur carnes, & hic musculus videtur ex duobus quasi musculis compositus.

Venter.

Ventris longitudo carnosarum fibrarum non semper mensura, cum longissimus sæpè venter brevissimas obtineat carnes.

*Mem-
bra.*

VII. Membrana non modo transverso fibrarum ductu musculum ambit, sed & eodem

eodem se modo inter singulas ejus insinuat
fibras.

VIII. Musculi quidem actio est con-<sup>Mu-
sculi
actio.</sup>tractio, sed eam quadam velut necessitate
minimè sequitur; ut inter duo extrema
musculi puncta intercepta recta evadat bre-
vior, sed ut breviores semper fiant inter ea-
dem duo puncta interceptæ singulæ ejus-
dem musculi fibræ.

Qui contrahitur non tendo est, sed ten-
dinosas inter expansiones comprehensa ca-
ro, quæ in se contracta id efficit, ut oppo-
sita duo vel plura ventris plana ad se mu-
tuo propius accedant, non itaque primum
motus instrumentum tendo, nec mu-
sculi vel principio motum debemus, vel
fini.

Contractionis modus determinatu diffi-
cilis, cum à repletione fibrarum multi
eam deducant, ab inanitione nonnulli, qui-
dam verò ad utramque confugiant. Te-
merarius essem, si hic meum interpone-
rem arbitrium: quare de causis modisque
non liquere, apertè ponuntio, & cum per
similia explicatio multis magnoperè arri-
deat, dabo, quod hic non erit omninò
ἀνεξιχνίαστον. Quâ palos sublicasque in ter-
ram in substructionibus pangunt, machina,
ubi plurimi homines suam singuli trahen-
tes chordam funis ductarii interventu
fistucam elevant, musculum per mediam
carnem

carnem transversim dissectum non inconvenienter refert : chordæ namque tendines imitantur pro hominum distantia sensim longiores, affixum chordis pondus, partem mobilem, ipsi homines carnosas fibras: ut enim hominēs breviores redditi, suas dum simul trahunt chordas, pondus movent; sic carnez contractæ fibræ, dum tendinis trahunt fibras, mobilem movent partem. Sed cum simile hoc tantum sit, non diutius ipsi immorandum.

Quo brevior in longiore ventre caro, eo vis contrahendi fortior, cum fibrarum major sit numerus.

IX. Quæcunque pars nec musculo necessariam ullam desiderat partem, nec aliam musculo denegatam possidet, & fabricam simul musculo convenientem obtinuit, non poterit non musculi mereri nomen. Nec requiritur ut actu voluntatis subiecta sit imperio; multi enim in multis musculi nunquam ad animæ moventur arbitrium, quod in variis laryngis, linguæque musculis, ut & dorsi, singulorumque probatur. Et quid quæso in animali motu agit anima? Nonne visum ab alio motum variis flexibus tam diu imitatur, ipsum donec verum fortè invenerit? Sed manifestiora hæc, quam quæ pluribus diducenda, cum nemo non in se ejus rei evidentissima deprehendere valeat, quot velit, argumenta.

Quid

Quid prædicta musculorum fabrica ad morborum quorundam curationumque rationes facilius explicandas accedente ulteriori examine conferre poterit, ex sequentibus, velut ex ungue, dignoscere licet.

Dixi carnem tendinosas inter expansiones contineri, jam verò in Gallo Africano non ita pridem vidi in variis pedum musculis totam tendinosam expansionem à subjecta carne ita liberam, ut non nisi tenuissimis quibusdam fibrillis illi adhæreret, quæ accedente vel levissima vi rumpebantur illico, & sic membranæ instar conspiciebatur tendo. Ipsæ vero extremitates carnosæ, quæ huic ante continuæ fuerant tendini, à reliqua carne, quâ albicantiores quidem, sed & firmiores, secedebant facile simulque humiditatem quandam sibi habebant circumfusam. Hæc quidem semel tantum in Gallo observavi; quid verò impedit, quo minus idem humanis quoque musculis interdum eveniat, adeoque motus in certa parte debilitati, vel in totum in eadem ablati, hæc interdum possit esse causa, prout vel omnis, vel sui quadam parte à carne secesserit tendo? Creditum hætenus ab uno extremo ad alterum rectâ in musculo extendi fibras; unde sequeretur à sectione transversa quacunque lædi motum, minimè verò à recta.

cta. Evidens quidem illud ; si medius transversim divideretur musculus , omnes diffecari fibras : sed & illud clarum musculi reddit fabrica , posse vulnus per medium transversim musculum latò agi terrò , motu non violatò , modo intra eadem parallela maneat ferrum , nec oppositas expansiones lædat. Ex adverso rectæ illæ sectiones omnes , quales infinitæ quæ non eosdem duos fibrarum intra ordines se continent , cum fibris motum plus , minùsve lædunt , prout variè dirigatur culter.

Quæ hic de musculis proposita si cordi applicentur , sufficiunt propositæ initio demonstrandæ propositioni , *Cor verè musculum esse*. Deducam hoc aliàs fufius , hic tantum præcipua paucis recitabo.

Partes
cor con-
stituen-
tes.

I. In univerfa cordis substantia nihil occurrit sequentia præter *arterias , venas , nervos , fibras , membranas*. Sed nec in musculo , præter dicta , occurrunt alia. Taceo pinguedinem , ossa ; quia nec omnia his instructa corda , nec nullus iisdem præditus musculus. Quicquid vero de parenchymate profertur à fibris distincto , Anatomicorum non sensibus debetur sed ingenio. Vidi quibusdam in subjectis splendentes per superficiem cordis decurrere ductus , quos tamen non lymphaticos , sed veros esse nervos dissectio docuit : Plexus nervorum à Fallopio descriptus autopsiam

psiam sibi habet faventem non minus ac
eorundem, ut per superficiem dispersio, ita
ad interiora penetratio.

II. Inter cordis fibras nulla scrutanti
mihi obvenit, quæ non medio carnosa, ex-
tremis utrinque tendinosa, id quod & o-
mnibus musculorum fibris commune.

In corde non minus, ac in alio musculo, *Fibra-
rum
partes.*
villorum uniformis est ductus; omnes
enim circa mediam ferè carnem arcus in-
guli.

tar inflexi nullos, nisi cum tendine utrin-
que, conficiunt angulos. Rectos, transver-
sos, circulares villos finxere, qui naturæ
ines æque sibi credidere notos, ac si illi
uissent à secretis. Videntur quidem intri-
cati, sed nec confusi sunt, nec inextricabi-
les; quandoquidem una eademque intor-
tionis sit ratio omnium in sinistro ventri-
culo occurrentium, id quod coni in stel-
larem figuram resolutio clarè demonstrat.
Iec in dextro ventriculo cautè progre-
sientem Labyrinthi morabuntur flexus,
figuris ea, quam verbis, intelligerentur
commodius; paucis tamen eorum quan-
tam velut ideam dabo.

Exterior cordis à membrana fibrisque;
operati facies primo adspectu suadere vi-
retur, eundem omnium undique fibra-
um, obliquum puta, à basi ad conum
se ductum; sed ipsas indè carnes à se mu-
to separantibus patet, dictarum paucissi-

mas ad conum pertingere ; cum à basi tantillum sub sequentibus ubi descenderint primæ, (liceat primas hoc loco vocare, quæ antè in sinistri ventriculi orificio conspiciuntur in ipso cum dextro concursu) illicò intortæ sub reliquis finistrosum ferantur : sic sequens semper fibra præcedente tantillo longius descendit, antequam incurvetur ; incurvata verò sequentem subit itidem , non nisi infra prioris intorsionem, inflectendam. Et hæc ferè omnibus fibris competens incedendi ratio, quæ vix explicabitur commodius, quàm si mente conceptò, aut manibus formatò ex fibris parallelum inter se situm servantibus parallelogrammò, sic satis oblongò, ex brevissimis lateribus, quæ filorum extrema habent sibi annexa, alterum semel inverteris integrum absolvendo circum ; similem hic namque filorum & intorquentium se, & se mutuo scandentium videbis imaginem. Quod si vero etiam plura id generis parallelogramma finxeris, fecerisque ad parallelepipedum aliquod componendum concurrentia, hedrarumque cui innexa fila, alteri quem dixi, situm dederis, & insuper easdem breviores hedras, sibi ante oppositas reddideris in eodem plano ita sitas, ut mediis filorum laxior ductus arcum repræsentet, non amplius confusam fibrarum in corde accusabis seriem. Sed figuris hic

opu

opus ad singula clarius demonstranda, quas in alia tempora differre coacto non conveniet hic multis exponere, quomodo in paucietibus ventriculorum fibrarum variet ductus; qua ratione ex fibrarum exteriorum diversis è locis prodeuntium concursu interiores exsurgant monticuli; quam elegantem exhibeat figuram coni varia refutatio; quæ oculis exhibendus, ubi carnibus continuantur tendines, carniū in oppositas partes à se mutuo digressus, & pluralia, quæ manum attentè & patienter demoventi sponte se sistent, alioquin ipsa cordis historia integrè proferenda.

Ventrem hæc musculi nostri & cordis *Venter.* mul ventres constituit fibrarum media, seu carnosa, portio, cujus substantia licet omnium & oculis & manibus obvia, ut peperit rixas, quot vix ulla pars alia dividunt hanc in basin & conum, quem actenus credidere densissimum, licet medium ejus punctum, seu relictum in medio intortarum fibrarum centrum, adeò nue sit, ut aciculæ vix æquet caput, im non nisi exterioris ibi membranæ im interiore fiat concursus.

Extrema carniū excipientes tendines *Tendines.* ostiis partim, partim in monticulis coniciuntur, ubi & valvulas componunt, in arteriæ substantiam abeunt. (Venis
B 2 enim

enim, utpote quæ auricularum alteri tendini continuæ, nullum nisi mediantibus auriculis cum corde commercium.) Hic musculi & principium quærendum & finis; hunc arteriæ pulmonalis orificium & utriusque ventriculi valvulæ tricuspidēs, cum aortæ quadam parte, ea nempe, quæ valvulam mitralem constituit, repræsentant, illud, qui arteriæ magnæ reliquam baseos portionem largiuntur, tendines.

Non hic exponam, quo loco vel super, vel inter carnes se expandat tendo, nec carnem in dextro avium ventriculo delineabo valvulam, nec quam in variis animalibus observavi, variarum partium diversitatem recensēbo, cum nullius mihi adfit figura, non omnium incidat memoria.

Os.

Officulum in corde repertum non in grandibus modo animalibus, sed in ovibus etiam sæpissimè mihi visum, nec omnibus inest animalibus, nec quibus est, quicquam est, nisi tendinis pars in ossēam duritiem degenerans. Sic non in pennatorum modo pedibus medio in tendine ossēa notatur soliditas, sed & in quolibet animali, multorum muscutorum alter tendo, vel totus, vel sui parte in os abit, quod ut in cranio, sic & in manibus pedibusque demonstratu facilè. Quæ itaque ratio extracto è cervi corde officulo alias attribuendi vires, quam alteri ejusdem ani-

malis

malis (non enim dubito quin in diversis animalibus etiam ossium diversa nonnihil sit natura) ossi, cujus partem musculi faciunt tendines ?

III. Membrana cordi propria transverso *Membrana.* fibrarum ductu cordis secat fibras, eodemque inter illas se insinuat ritu, nec aliud in musculi occurrit membrana.

Cum itaque vera musculi attributa cordi competant omnia, nec illa præter aliud inveniatur, verè *cor musculi nomine salutandum, quod meretur & tendine, & carne, & nervo.*

Quæ licet magno Hippocrati videantur directè repugnantia, qui dicit *καρδία μὲν καρτὰ ἰσχυρὴ, ἡ νέρω ἀλλὰ πλήμην σαρκὸς*, ipsa tamen verba ordine inter se comparanti cum nostris apparebunt amicè consentientia; dicit enim musculum esse cujus robur, non in tendine, sed in carne. Atque sic quæcunque demum fuerit Autoris sententia, verba ejus minimè nobis sunt adversa.

Nisi crederem, quemlibet per se facillè inventurum, quæ dubia hæc unica solvit propositio, nihil facilius esset, quam longum eorum hic attexere catalogum, quorum nonnulla non veteres tantum, sed ipsum etiam Harvejum, aliosque recentiores multos, tenuere hæctenus suspensos: ex præcipuis tamen quædam proximè ex illa propositione sequentia adjungam.

*Quid
sub-
stantia
cordis
non sit.*

Si certum est, quod certum esse sensuum ope adjuncta evincit ratio, in corde nihil desiderari, quod musculo datum, nec quod musculo denegatum, in corde inveniri, non erit cor amplius sui generis substantia, adeoque nec certæ substantiæ, ut ignis, calidi innati, animæ sedes, nec certi humoris, ut sanguinis, generator, nec spirituum quorundam, vitæ putæ, productor.

Quod si enim in omnibus continentibus cum musculis cordi convenit, etiam in substantia cordis, vasisque contenta omnia cum contentis in musculo ejusdem erunt naturæ, nam idem utrique eadem per vasa subministratum eadem recipitur substantiâ: cui ultimam veluti manum imponit, quod eadem utrobique actio, puta carnis contractio conspiciatur, cujus causa proxima num à causa proxima contractionis musculorum, in tanta organorum omnium similitudine, tamque amico consensu, diversa esse poterit, videant subtiliores.

Sed cordis hæc tantum substantiam spectant, non cavitates, ubi numquid sanguine in vasis contentò nobiliter inveniendum, cordis disputent patroni. Certè, si quid ego video, vereor, ne omnia de partium dignitate argumenta oratoria futura. Sed ut ut sit, solam ego sum examinandam substantiam, & ex fibrarum ductu omnia de

de cordis motu occurrentia phænomena
suis rationibus demonstranda; quod licet
maximam partem absolverim, in aliud ta-
men differre tempus cogor, cum, ut initio
monui, à chartis abstractus & sectionibus
ad aliquod tempus easdem repetendi otium
vix inventurus sim, & simul hæc sic præ-
misissè placeat, ut, si quid in iis emendan-
dum veritati faventium invenerit indu-
stria, monueritque humanitas, in ipso de-
in' opere corrigatur, & longiore medita-
tione, & exercitio desiderata suppleantur.

Ne tamen de motu nihil omninò dixisse
videar, subjungam & hanc propositionem. *De cor-
dis me-*
Cum fibræ cordis breviores fiunt, quia ba-
sin circa & principium earum, & finis,
conus necessario attollitur; quia à basi fini-
strorsum ad conum descendunt fibræ, *con-*
trario conus modo adscendit; quia in dextro
interius à septo descendentes obliquè po-
steriora versus per exteriorem superficiem
adscendunt, *fundum dextri basin versus tan-*
tillum elevant, adeoque & brevius fit cor, &
in dextro latere rotundius; quia verò & bre-
viores fiunt parietes & crassiores, *angustiores*
etiam evadent ventriculorum cavitates. Non
itaque rotundum cor oblongò capacius, adeoque
nec à sanguine magis dilatato rotunditas, nec
eo tempore diastole.

Quid in orificiis cordis, quâ spaci-
um, quâ valvulas observandum, stamina quo-

modo moveantur qualis auricularum musculus, quot modis viderim cessantem cordis motum ipsi restitutum, & quidem interdum multis à morte horis, idque repetitis vicibus, & quæ huc spectant alia, cum singulorum mihi non succurrat, omnia integro operi reservabo adjicienda: quocirca missis musculis ad glandulas pergo.

Glandulæ.

Glandularum quousque ignota natura, vilis fuit æstimatio, ritu à communibus viventium moribus non alieno; ubi multi sæpè in obscuro latitant, non extra limina noti, non quod non meliore digni fortuna, sed quod eorum ignotus valor. Multum itaque huic seculo debent glandulæ, quod ut in earum indaganda natura diligens fuit, ita in honore restituendo felix.

Conglobatæ.

Rotundas sive conglobatas omnes fordidarum (quod de omnibus glandulis antiquorum fuit judicium) numero purissimæ Bartholinianæ exemerunt Nymphæ, quæ suâ illas lymphâ à præteritorum seculorum eluvie mundas reddiderunt.

Conglomeratæ.

Restitutionis suæ primordia *Wirtzungio* debent conglomeratæ: sed ut primus Auctor sua pancreatis gloriam morte expiavit, sic, illum inde qui sequuti, parum fuere felices; Whartoni namque industriam sua defraudare laude voluit Deusingius, & Salivaris exterioris inventionem inventori ignominiosam reddere conatus Blafius:

fius : sed meliori, ut spero, fortuna, quæ priora tria exceperunt, vasa reliqua gaudebunt.

Utrumque circa genus quæ nostra mihi Diva, Anatome, revelaverit, ex parte in observationibus ante biennium editis, dixi, reliqua in iis, quas necdum absolvi, exponam, hic præcipuorum brevem tantum facturum recensionem. Spectant autem ea vel prioribus non descripta vasa, vel vasorum ante observatorum illustrationem, tum glandularum utriusque generis meliorem cognitionem.

Nova, saltem mihi, vasa sunt,

I. *Salivare exterius*, cujus radices *Vas salivare* rotis conglomerata, ostium in homine *exte-* buccæ interioris ferè centrum exhibet, *rius*, medius ductus in variis animalibus varius, *sive* in homine, cane, lepore, cuniculo *parotidum* rectam æmulatur, in ovibus incurvatur, *vas.* maxillæ tamen totâ, quam perficit, via incumbens, in boum verò genere maxillæ inferiorem angulum descendit, indè, ubi ad finem eidem maxillæ insculptum perrexerit, buccas versus adscendens. Ductus hujus à Blasiano, vix extra auctorem, nisi fortè in Lunæ incolis, aut Epicuri intermundia perreptantibus inveniendò, diversitas, in quibus consistit, Apologiæ prodromus annò abhinc editus clarè satis detexit. Quocirca cum illa, ut spero, abun-

dè manifesta res, & amicis sub certa conditione promiserim, me ad ulteriora non progressurum, de testimoniis ejus (quod unicum illius argumentum) hic tantum monebo: longò ea tempore post rem gestam scripta, & quidem à discipulis ejus, quorum qui solus fidem merebatur, præsentibus duobus Professoribus clarissimis agnovit se in assignando tempore errasse, seque novi ductus factam mentionem scire, ille verò superiørne fuerit, an inferior, & utrum alterius, præter eum, salivaris ductus facta vel mentio vel demonstratio, an non, certo sibi in memoriam non posse revocare. Hæc & alia quæ aliis moverent bilem, plurima æquò animò tuli, licet ea mihi fuerit, sitque causæ justitia, ut quovis tempore in judicium vocare possim & ipsum, & Hobokium, & Anagrammatistam Hobokianum. Sed mea mihi sufficit conscientia, & honestiorum, quos inter vixi semper, de me opinio; eoque me geram modo, ut si placuerit illis unâ cum Deusingio mihi insultare diutius, in proprio illos foro possim redarguere. Theses ille meas injuriosos appellavit libellos, & ut cætera taceam, impotentis animi indicia, ætatem mihi meam exprobrare non erubuit. Sed audiat à juvene senex, quod suo ipse exemplo juvenem docuit: nihil honestum dedecere magis, quam ignominiosa

niosa sine veris adjunctis rationibus verba in quenquam projicere, ejus ad instar cui vel vinum, vel atra bilis, vel cani, quod de mentis recto usu detraxere, linguæ volubilitati addiderunt.

II. *Buccarum vascula* numero parvitatem compensantia; quorum glandulæ ut in homine egregiè labiorum stipantes ambitum totidem uvas referunt, vasorum ad illas nervorumque distributione figuræ gratiam augente; sic in brutis totum buccarum replent planum. In hisce, brutis scilicet, quædam in unum congestæ corpus, & inferiori maxillæ secundum longitudinem incumbentes, mediæ magnitudinis vasa emittunt, quorum ostia in eadem rectâ sita, vix nisi expresso humore se produnt, etiam si semel detecta setarum non usque adeo subtilium sint capacia; ea illis in locis superficiei est æqualitas & planities: in ovibus tamen quibusdam fuscus interdum ostia prodit color: aliæ magis à se mutuo dispersæ partim buccarum tunicæ accumbunt planæ, partim in asperas, & acuminatas illam elevant papillas.

*Vasa
buccarum.*

III. *Quæ dentium intra septum ad linguæ* *Vasa*
conspiciuntur latera, sublingualia dicta, & à *sublin-*
Whartonianis diversâ. In avium quarundam linguis rara horum occurrit elegantia, ubi in ipsis linguæ lateribus propè basin secundum eandem rectam disposita decem *gualia*
minora.

duodecimvè ostia, si comprimatur lingua, ferofi humoris totidem protrudunt gemmas. In cygno eadem stylum admittebant facile, & pro linguæ magnitudine satis profundè, quemadmodum & in anate: fuere forte etiam in illis prædictis plura vasa, sed horum pulcherrimo adpectu abreptus ad alia non attendi. In Gallo Africano vidi non modò hanc ostiorum rectam seriem, sed etiam totam tunicam, tum basin linguæ inter & ostium laryngis, tum in ipsis linguæ lateribus, tum sub linguam & glandularum abscondere corpora, & vasorum ostium pertusam: reliquorum animalium linguæ accumbunt tantum laxè & glandulæ, & vasa, ne quidem in bonum genere setam facile recipientia, licet vasorum paralelo à glandulis ad ostia ductu incedentium elegantiam contenti exornet splendor, & ipsa expressus liquor detegat ostia.

Vasa

palati

IV. *Quæ palati superioris tota tunica innumeris pertusa foraminibus à glandularum glomeraminibus orta recipit vasa: quæ quo retrorsum magis perrexeris, eò magis conspicua. Si avium rostra distraxeris, & ibi liquoris in palato superiori notabis fontes. Omne enim illud, quod albam tunicam rostro proximam excipit, rimamque cingit undique carneo colore conspicuum, si presferis, glandularum ostia prodet: præ cæteris notanda in ipso hujus substantiæ anteriori*

riori
humoris
que vel
tunt
V. E
tes intra
dens me
rit, not
In bruti
& mani
quod vi
inter se
grum
sterius
V. I.
camille
cum be
missum
laryngi
Non
avium
mili va
mo cui
tori de
quæda
tun
dem in
debat
non
indica
quam

riori extremo duo puncta , per quæ magna humoris albicantis exprimitur copia , quæque vel in Gallina domestica stylum admittunt non tantum in superficie.

V. *E naribus in palatum anteriori loco dentes intra, quibus dentes sunt , proximè descendens meatus ;* quem fretum si dicere placuerit, non erit è longinquo petitum simile : In brutis hic quàm homine ut amplior ita & manifestior. In diversis varius apparet, quod vituli , ovis , canis , cuniculi diducta inter se conferentibus ora, dignoscere integrum. Eiusdem in avibus vice fungitur posterius palatum dividens rima.

Meatus anterior è naribus in palatum.

VI. *Epiglottidis cartilaginem permeantes canaliculi ;* qui à carunculis epiglottidi incumbentibus orti , per cartilaginem transmissum humorem averſa ejus parte , quæ laryngi imminet, evacuant.

Vasa Epiglottidis.

Non his annumerabo, quæ in variarum avium oesophago, & ingluvie conspecta mihi vasa, cum ex illo perceperim, clarissimo cuidam viro, Anatomes quondam cultori dexterrimo, in gallina id generis ante quædam observata. In cygno oesophagi tunica innumeris perspersa punctulis totidem inde manantis aquei humoris protrudebat guttas, ingluvie v. crassior & aspera non multo pauciores albi & visceri succi indicabat fontes. Sed his missis ad nares tanquam secundâ contignationem adscendam

*Vas
na-
rium.*

VII. *Quæ narium tunicam irrigant vascula*: cujus humorem non ab ostiis articularum (naturâ has pro arbitrio jam claudente jam referante) emitti, tunicæ ab ossæ separatæ & ab inverso latere inspectæ docet examen.

*Vas na-
rium
ovibus
pecu-
liare.*

VIII. *Vas illud narium, quod non nisi in ovibus mihi hætenus notatum*: cujus radices in posteriori narium parte ortæ in ramum styli capacem confluunt per narium latera versus anteriora progredientem.

*Vie à
palpe-
bris in
nares.*

IX. *Collicia, s. punctorum lacrymalium in unum utroque in latere ductum concursus humorem palpebrarum in narium cava derivantes.* Non exigua hic in diversis animalibus differentia. In homine ipsis ciliorum apicibus insculpta foramina breves demittunt canaliculos, nec demonstratu faciles, nisi cautè diffractis narium ossibus tunicæ relinquantur integræ, mox enim ubi ossa penetraverint (quousque tenui separantur membrana,) in sinum ampliati narium continuantur tunicæ. In ove, lepore, vitulo, cuniculo non in ipsis ciliis, sed interiùs paulò eadem reperiuntur ostia, quæ profundius in avibus quærenda, ubi quam in ullo alio genere longè majora, receptum majorem stylum per palati rimam emittunt; brevis hic admodum, quæ foramina distinguit, membrana.

X. *Vasis*

X. *Vasa palpebrarum*, seu *lacrymalia*, *Vasa palpebrarum.*
 quæ numero plura fontium habitâ ratione
 ad duo reducuntur genera; quorum alia
 exteriora externo oculi angulo accumben-
 tia, glandulæ eundem angulum occupan-
 ti debetur multis dictæ innominatæ; in-
 teriora alia, quam communiter lacryma-
 lem appellant, glandulam pro fonte agno-
 scunt: quibus, quâ nictent, data mem-
 brana, per eandem incedentium vasculo-
 rum interius hiantia continent ostia etiam
 in avibus stylum non excludentia.

XI. Liceat his adjungere, quæ in *raja* *Vasa raja*
 mihi conspecta, occasionem subministran- *super-*
 te Clarissimo Præceptore Simone Paulli. *ficiem*
 Multis illa nigris variegata maculis totidem *exte-*
 foraminibus pertusâ tegitur cute, unde, *riorem*
 visceri humoris prodeunt guttæ, si fora- *lubri-*
 minibus continuas prefferis strias, in quas *cantia.*
 per eadem ostia protrusa liberè permeat
 seta.

Et hæc quidem, quæ nemini notata pu-
 to, vasa sunt, quorum multa sine sectio-
 ne conspicua si notasset Galenus, suam de
 usu partium: L. 2. ingeminasset inter-
 rogationem, ubi legitur. *Num igitur mi-*
raris, aut non credis, aliquid eorum, quæ
sunt obscuriora in Anatome ignoratum fuisse ab
eis, quibus ne ea quidem, quæ ante anato-
men apparent, noscuntur? Sed cui hæc ma-
 gni Anatomici probabitur exprobratio?
 Mul-

Multa sine sectione conspicienda ignoravit Galenus, nec dubito quin id generis alia multa supersint, quæ, quod nimis forte obvia, nostram impetrare nequeunt attentionem. Bene quidem ab illo dictum, si mortalium neminem excepisset; cum vero prædecessoribus tantum suis ea objecerit, parum æquus aliorum fuisse videtur censor, nec ad angustissimos humanæ cognitionis limites hoc in loco respexisse.

Vasorum ante observatorum illustrationi

serviunt sequentia

I. Lymphatica illustrat tum *glandularum conglobatarum generalis fabrica*, tum *lymphaticorum vera in venas insertio*.

Conglobatarum fabrica.

Conglobatis id omnibus, quas hæcenus observare datum, familiare, ut arterias præter, venasque & nervos binas Lymphaticorum in se contineant species, advehentem, puta, alteram, alteram evehentem; quod à conglomeratis differunt, quibus sola evehentiæ contigere. Ipsa vasorum radicibus undique affusa substantia eam obtinuit conformationem, ut nulli, quam renum corpori, commodius possit comparari, cui quædam illarum, quâ figuram, dico, non colorem, simillimæ. Exteriùs enim globosæ, interiùs non quidem pelvi quadam excavatæ sunt, separationem tamen ritè si aggressus fueris,

ris, inter protuberantia undique labra, rimam invenies, quâ egrediuntur unâ cum membrana quadam lymphatici evehentes radices. In exteriori superficie, si cautè cultri aciem direxeris, videbis ex diversis advehentibus lymphaticis numerò multis prodeuntes ramos ipsam furculorum numerosâ propagine substantiam ingredi; quod parotis conglobata in ovibus & vitulis eleganti schemate testatur. Harum glandularum respectu triplex lymphaticorum contenta sua in sanguinem reducentium exsurgit differentia; aliæ enim à primis fontibus, qualescunque illi tandem inveniendi, in glandularum sparguntur superficiem; quædam è cavo unius glandulæ in alterius gibbum pergunt; reliquæ ab harum glandularum cavo ad cavam usque exporriguntur.

Lymphaticorum vera in venas insertio, ut multorum frustrata inquisitionem, ita nemini, quàm nobilissimo Bilsio, magis imposuit. Primus ille veram hujus sectionis videtur detexisse methodum, sed & primus se indè passus ad absurdas deduci opiniones. Alibi hæc plenius, ubi & errorum ejus manifesta dabitur causa, jam ante in meis observationibus indicata, & insertionis varietas variis in figuris patebit. Hic paucis dixisse sufficiat, in venas circa axillaris jugularisque confinium, utro-

Lymphaticorum in venas insertio.

utroque in latere lymphaticorum demonstrandam insertionem, & quidem in dextro eorum, quæ à dextris partibus anterioribus in brutis, ut, è dextro pleuræ facculo pede anteriori dextro, & dextro capitis latere confluunt, in sinistro vero præter dictis analogæ sinistri lateris vasa, etiam ipsius, quod inferiora omnia recipit, & superioribus ante insertionem sociatur, thoracici. Communis omnium in sinistro latere confluentium concursus, nec receptaculum conficit, nec valvulis donatus est, nec quod Bilsius nobis persuadere voluit, per unicum sua contenta in cavam exonerat ostium. Nunquam enim duobus pauciora, sæpè vero tria, interdum & quatuor deprehendi, & ut certi essent spectatores, verè hac viâ in sanguinem infundi & chylum, & lympham, vasa ita concurrentia simplici tantum pressione modò lymphâ, modò lacte replevi, indè & varia agitatione sanguini eò viam patefeci sine ulla vel vasorum vel valvularum læsione. Sed hæc paucis ante tacta, fusiùs alio in loco tractabuntur, unà cum modis valvulas lymphaticorum detegendi. Annulus vel labyrinthus Bilsonianus, nec in omnibus subiectis conspiciendus, nec ubi adest, eadem semper facie conspicitur, vel quicquam est, nisi lymphatici à permeantibus arteriis venisve aut nervis facta divaricatio.

II. *Ductui*

II. *Ductui Wirtzungiano* illustrando servit in avibus facta observatio, quæ hepatis quoque usum reddit clariorem. In variis enim, quas aperire licuit, avium speciebus geminum vidi ductum pancreaticum, ductui bilario itidem gemino, (quorum alter à vesicula fellis hepati non accumbente, ab hepate alter) occurrentem, quorum quatuor vasorum insertio tribus variat modis, vel enim in unum omnia confluunt ostium, vel cum suo quilibet pancreaticus bilario commune ostium subintrat, ita ut duobus tantum foraminibus pervium sit intestinum, vel suus cuilibet ductui concessus exitus id efficit, ut quatuor diversæ secundum eandem rectam stylo pateant in intestina viæ. Nuper in Africana Gallina vidi hepaticum ductum, ubi hepate exierat, simplicem, in progressu bifidum duobus intestinum adire canaliculis, quod adeoque tribus bilem è vasculis recipiebat.

Non exigua hæc, ut puto lucem afferunt utriusque humoris & explicandæ utilitati, & occursum mutuo confirmando, quem & illustrat pancreatici ductus in ipsum bilarium, antequam ad intestinum pervenerit, in media via insertio ovibus peculiaris, quam etiam post à diligentissimo Higmoro jamdudum descriptam & delineatam video.

III. De

Ductus
Whur-
ia-
nus.

III. De *Whartoni* uno monebo, quod & me fefellerat, meas cum ederem observationes: scribit ab apposita (conglomeratae conglobata) glandula in ipsam maxillarem inferiorem (conglomeratam) vasculum pergere, quod & ego initio ibi subsistere credidi *Whartoni* fidens observationi, sed ulterius postmodo sectionem continuando observavi, inter dictae maxillaris glomeramina ad conglobatam aliam penetrare, adeoque Lymphaticis Bartholinianis annumerandum.

Ex hisce similibusque & aliorum, & nostris observationibus sequentia, partim corporis oculis subiecit experientia, partim mentis oculis ratio perspexit.

Lym-
pha ori-
go im-
media-
ta &
motus.

I. Lymphaticis omnibus cum glandulis commercium esse: dicerem omnium lymphaticorum primam scaturiginem glandulas salutandas, sed cum prima lymphaticorum Bartholinianorum origo, quo plures admittit explicandi modos probabiles, eò sit incertior, id saltem verum manet, nullum in corpore visum lymphaticum, quod non vel oriatur à glandula, vel in glandulam inferatur.

II. Lymphatica omnia conglomeratis continua suum in certas cavitates effundere contentum, ut oculos, aures, nares, os, oesophagum, laryngem, ingluviem avium, &c.

III. Quæ

III. Quæ conglobatis annectuntur, sua in cavam revehere contenta, vel immediatè vel mediantibus aliis conglobatis, & quidem non modo circa axillarem finistram, cui quidem totus communiter se jungit thoracicus, sed & in axillarem dextram, quo loco vellem monstraret nobis Bilsius roris sui ad dextra capitis Lymphatica distributionem, seu lymphaticorum superiorum dextri lateris cum thoracico concursum.

IV. Ipsas adeoque glandulas omnes viscera esse, per quæ suas lymphatica dispergunt radices.

Et hæc quidem omnia pro veris habenda suadet ratio, quia sensuum ea probat testimoniò, probabilium verò tantum numero inferendas judicat sequentes, quas ex inductione, licet non omnibus numeris absoluta, elicit propositiones.

a. Quocunque corporis animalis locò aquosus quidam naturaliter reperitur humor ejus superficiem oblinens, eandem superficiem lymphaticorum pertusam ostiis à conglomerata glandula oriundorum: unde colligere liceret (1.) eandem *aque pericardii* esse originem, quam amici clarissimi de thymo observatio confirmare videtur. (2) Nec *sudorum* diversos inde fontes, de quibus in sudoris examine latius, ubi omnium quæ cutem constituere possunt,

sunt, partium inductione, & sudoris cum
 aliorum humorum comparatione, causa-
 rumque humores hosce moventium exa-
 mine probare licebit, ex hactenus obser-
 vatis de cute probabilius nihil dici, quàm
 esse eam substantiam glandulosam, hoc
 unò à reliquis diversam, quod præter va-
 forum capillaria etiam pilorum radices
 per corpus suum habeat dispersas. Con-
 firmant me hic rajarum cutem perforan-
 tia vasa, unde veram lubricitatis pi-
 scium judico expectandam causam.
 Quos sine cuticula generatos narrant, eo-
 rum serum credò fuisse viscidius, quàm
 quod ad primum aëris contactum evane-
 sceret, vel eorum cutem perpetuo sudore
 maduisse, ob humoris in corpore copiam,
 viarumve magnitudinem, aut impeditum
 feri per alias glandulas transitum. (3.) *In*
ventriculis cerebri humorem simili ratione
secerni, cui favere videtur ab aliis ante no-
tata in plexu choroide glandulosa substan-
tia. (4.) Qui thoracis abdominisque partes
oblinit, humorem originis quandam ha-
bere analogiam. (5.) Humoris, unde
fit & nutritur fœtus, non dissimilia quæ-
renda cribra. Quibus enim cotyledones ad-
sunt, animalia & adhærentes utero spon-
giosas carnes, & ex harum cavernulis ex-
trahendas faciliè sine sanguine chorii radi-
ces exhibent. In fele, ubi latus ovum
 cingit

ingit annulus, cum annulo ovum ab
tero sine sanguinis effusione separavi,
ratque annuli substantia verè glandulosa,
uemadmodum & ipsam uteri, cui ad-
ærebat, superficiem asperam reddebant
minentiae glandulosæ. Sunt & in animo
uorundam interius alba, quæ sangui-
nea vasa recipiunt, corpuscula. Sed hæc,
t dixi, suspicionum cohortibus inse-
enda.

β. Conglomeratarum lympham, post-
uam in certas è vasis effusa cavitates, non
vi subsistere, sed aliò per alias vias intra
corpus ablegari. Sic ex auribus & oculis in
ares, è naribus in os, ex ore in œso-
hagum, &c. hinc patet quærendas etiam
vias per quas evacuetur pericardium, ce-
brum, thorax, abdomen, liceret etiam
e oculi aqueo similia suspicari. Inter
uærendas vias cerebri humorem excer-
entes collocavi; necdum enim res hæc
eterminata, licèt apud Medicos nihil
udiatur frequentius, quàm à capite sub-
ectas in partes destillare humores. Ad-
esse in cerebro, & quidem semper, humo-
res, frequens cerebri suadet sectio, quâ ve-
dè iidem viâ emittantur, inventu non
deò facilè. In equo cum pituitariam glan-
ulam à plexibus innumeris, quibus im-
lexa, liberarem, vidi me stylo patulam
a venas habere viam, ut adeoque in suspi-
cionem

cionem devenerim, per pituitariam glandulam transcolatum cerebri humorem venis sine interventu aliorum vasorum recipi, sed indè per alias inquisitiones non licuit eòdem fine similem repetere sectionem.

*Lym-
pha
origo
media-
ta.*

Ab ostiis lymphatica continuavimus ad fontes, qui ut in macrocosmo dubia creant multa, sic in microcosmo multis scatent incertis. Ex hactenus observatis deducta sequens opinio suà non videtur destitui probabilitate, quæ statuit, *glandulas cribrasse*, hòc modò conformata, ut dum ex arteriis in venas per capillaria transit sanguis, liberatæ à sanguinearum amplexibus serosæ partes caloris vi per convenientes sibi poros expellantur in capillaria lymphaticorum, concurrente nervorum extremis venis affixorum directione elicitæ per sensuum perceptionem mentis imperio subjectâ.

Et hæc quidem de glandularum natura in genere dicta, quibus addantur sequentia.

*Lacry-
ma.*

I. Lacrymæ videntur esse humoris palpebras naturaliter oblinentis, ex glandulis per manifesta vasa eò delati, certò animi motu aucta quantitas; pari ratione ac delicatiorum ciborum præsentia salivam movet appetenti, ut non opus sit ad nervorum succum, cerebri serum, arteriarum immediatam exsudationem confuge-

re.

re. An quos semel iterumque in cornea observavi non sine admiratione, pori quandam aquei humoris transmittant partem, nondum ausim affirmare: vidi quidem per poros exeuntem humorem, sed ipse tunicæ adscribendus substantiæ, an ab inclusa aqua deducendus, non facilè ante ultèrius examen determinavero, cum id nunquam, nisi aliud agendo, tentatum.

II. Cum in ventriculum à sitis in a- *Humor ventriculi.* libus, oculis, naribus, ore toto, & œsophago, glandulis serofus semper defluat humor, interiorque ventriculi crusta, si rematur, humorem exsudet, aliàs coctæ reliquæ substantiæ durior sit, nec ullos fibrarum agnoscens ductus veri parenchymatis referat speciem, quis dubitabit de fontibus ventriculo serofum humorem perpetuò subministrantibus? Sed & cui non simul videns, aliud in ventriculo solum præterperiri calorem? Ad usum si progredierim, ad partes vocanda Chymia; Sed hic intra limites Anatomix non progrediar.

III. Lac in mammis non aliter à sanguine secerni, quàm alius in aliis conglomeratis humor, tam diu pro rato habebō, nec, qui aliunde deducunt, suas verè scripserint vias, certisque circumstantiis confirmarint. Clarissimus Antonius Erhardi (qui non videtur attendisse unum se tantum de lacteis mammarum pro-

tulisse historiam, & de frequentiore illarum observatione desperasse, me verò non nisi de lacteis ad mammas loqui, cum dico semel illi tantum visas,) ad autopsiam semper provocat. Ego, quâ potui attentione maximâ, distenta lacte ubera substratis à musculis separavi, sed lacte licet tumerent & mammae & chyli receptaculum, hinc tamen ad illas nullum videre potui transitum. Sed illorum recitasse historias, tantum non est refutasse. Hic per thoracem à thoracico ductu, à receptaculo ille per abdomen, tertius ab utero per abdominis musculos, omnes autopsiam crepantes, chylum ad mammas deducunt.

Catar-
rhi.

I V. Qui glandulas catarrhorum dixerit fontes, symptomata explicabit facile, cum caput glandulis undique obsitum. Id se docuisse licet in ultimo de catarrhis tomo credi velit Clarissim: *Schneiderus*, tertium sibi repugnantem invenit, ubi ipse catarrhorum fontes membranas pronuntiat, modumque describit, quò natura in his membranis vasorum extrema aperit, seroque emissio iterum claudit, nullâ glandularum factâ mentione. Quod emendaturus ultimò tomò addit, naturam cum claudit vasa, glandularum uti operculo. Sed non videtur attendisse Clarissimus Vir humoris fluxum esse perpetuum, quantitatem vero fluentis auctam & qualitatem mutatam morbos producere

adec

adeoque hoc operculorum inventum locum non invenire, glandulasque non opercula esse sed cribra. Et hæc quidem, de musculis glandulisque velut quædam observationum specimina sufficiant.

Non pauca neglecta hætenus, quædam etiam *adversariis* vel ab exercitatissimis Anatomicis annumerata hîc enucleata videtis. Liceret, forte non minoris momenti, alia dictis adjungere; Sed quia non parum temporis requiritur ad illa, quæ promisi, præstanda, & hæc quoque vacuum ab aliis curis minimum postulant, ne nominabo quidem, contentus, vel hoc specimine demonstrasse, non omnia, quæ dici possunt, nostrò secundo esse dicta, nec corporis tam hebetes oculos, quin multa, quorum cognitionem deperarunt multi, etiam eorum ope distinctè possint demonstrari. Quod si imitari volenti prima ilicò subjecta dictis non visa respondere, secundum prius inspiciatur, adatur & tertium, quàm falsi forte non falsum accusetur. Nec enim uno hæc die observata, nec uno in subjecto visa, nec adeo æta juveniliter, ut ut juveni insultare perat Deusfingius, quin pleraque magni nominis in hac arte multum versatos & Viros & senes habuerint visis assensum non negantes spectatores.

AD

Excellentissimum

GUILLIELMUM PISONEM,
MEDICUM FELICISSIMUM.

DE

ANATOME RAJÆ

EPISTOLA.

Vir Clarissime.

Ondum animo meo ex-
cidit illius diei memoria, quò
ad juvenis conatus Leidæ in-
spiciendos cum Clarissimo
Sylvio Tuâ sponte accedens
ad favorem Tuum acquirendum patentem
ipse primus viam monstrares. Inauspica-
tas inter aves corvos recenseat antiquitas,
mihi sanè, quàm corvi aquatici sectio,
nulla unquam instituta auspiciùs, cum
nihil tale sperantem votis majore commo-
dò bearit. Qui enim potuissem mihi pol-
liceri futurum, ut vir ab omnibus summè
laudatus, qui, à nemine non expetitis cu-
riosissimis ingenii judicii que monumentis
suum æternitati jamdudum inscripserat
nomen, eò se demitteret, ut non modò
exercitium juvenile suâ ultrò dignaretur:
præ-

præsentia, sed & humanissimis amorem
favoremque verbis liberaliter offerret?
Humanitatem illam singularem miratus
sæpius, cum insuper animadverterem pri-
ma Tibi specimina non adeò displicuisse,
quin & aliis nostris experimentis Amstelo-
dami volueris interesse, ne tanta magni fa-
voris testimonia non agnoscere viderer, id
mihi ex officio incumbere judicabam, ut
me gratum, saltem literulâ, testarer. Cui,
ne nimis foret jejuna, cum aliam quoque
scribendi materiam desiderarem junctam,
frustra que diu quærerem, ecce tandem
commodissimam ab illo ablatam, cujus
magno cum honore Tuis in ædibus à Te,
me præsentē, facta mentio. Placuit namque
Celeberrimo Viro, D. D. SIMONI PAULLI,
Regio Medico & Prælato Aarhusiensi, Præ-
ceptoris Parentis loco venerando, ad *Rajæ*
sectionem 21. Martii proximè elapsō me
admittere, ubi cum varia visu elegantia,
nec scitu saltem nobis injucunda, nos in sui
admirationem abripuerint, credidi me diu-
turnum silentium non aliàs commodius
excusaturum, quàm si tarditatem litera-
rum rerum novitate compensarem.

Binx nobis erant *rajæ*, ejusdem utra-
que sexus, sed magnitudinis diversæ, licet
earum altera, quæ minor, pro mare à qui-
busdam habita, quod intestini per vulvam
prolapsus virgam mentiretur. Ad lan-

cem appenſarum minoris pondus decem ſuperabat libras, cum majoris non infra triginta ſubſiſteret; cujus etiam, majoris ſcilicet, tranſverſa latitudo quatuor erat ſpithamarum cum ſemiſſe, unâque longitudinem ſeu rectam ab extremo ori prætenſo apice ad caudæ initium extenſam, ſpithamâ ſuperabat. Quadratam itaque figuram diagonaliſum illi denegat inæqualitas, nec verè ipſi competit Rhombôidea, cum, quæ ſibi æqualia, latera parallellum non obtineant ſitum, ſed ad eundem angulum concurrant comprehendendum.

Inverſam intuentibus tota undique ſuperficies innumeris nigris perſperſa maculis, (ex vitro nigro globulos dixiſſes, ni planæ fuiſſent) todidem iis continuas, minus tamen, quod profundius ſitæ, nigricantes oſtendebat ſtrias, quas non modò vaſorum adinſtar cavas, ſetæ per foramen, quo pertuſæ maculæ, immiſſio arguebat, ſed & verè vaſa eſſe humorem lymphæ in conglomeratis aliorum animantium glandulis ſecretæ, non colore minus, quàm conſiſtentiâ ſimilem per ſuperficiem corporis excernentia, tum in ipſis contentus humor non obſcurè indicabat, tum humoris vitreum oculi referentis per macularum oſtia expreſſio demonſtrabat manifeſtè. Hunc illum eſſe humorem, qui lubricam reddit rajam, facile mihi largientur, qui ſenſibus ſuis credunt:

dunt: si verò dicerem me non ex hoc tantum phænomeno, sed & ex pluribus aliis, in eam devenisse opinionem, ut existimem, pisces alios lubricos omnes si non omninò similia, saltem ipsis aliquò modò analogi, per cutem habere decurrentia vasa, adeoque minutas maculas quasunque per superficies piscium dispersas eò nomine suspectas habendas, iis verò absentibus aliquaerenda non tincta punctula; non omnium mererer fidem, in quorundam etiam incurrerem reprehensionem, qui me vitio Anatomicis admodum familiari obnoxium arguerent, utpote ab unica observatione ad generalem ilico conclusionem abruptum. Nigros intra ductus ferri, nigraque per ostia liquorem purissimæ adinstar lymphæ splendentem excerni miratus fuisset, ni in ovium & ore & naribus id vidisset sæpiùs. Et hæc quidem sine sectione cuilibet obvia quemadmodum & ipse striarum situs varius, qui variis in locis elegantissimus.

Ab incumbentibus abdomini musculis instratam ipsis cutem separanti in cutem, aut saltem junctam cuti arctissimè membranam, abeuntes tendinosæ quædam fibræ, ut magnam secandi difficultatem manibus pariunt, sic oculos non exiguo recreant oblectamento; transversò namque ductu se alternatim secantes pulcherrimum

conficiunt plexum, vel si mavis, telam illi non abfimilem, quam in telis non usque adeo subtili textura compositis detegunt microscopia. Ad latera sectionem longius accuratiusque si continuaveris, etiam carnosas inter fibras tendinosas alias ad cutem adscendere notabis. Sic & in media pubis cartilagine se interfecant adscendentes musculorum in oppositis lateribus sitorum tendines. Obiter hæc tantum lustrata, non minus ac ipsi abdominis muscoli, quæ tamen non adeo acta perfunctoriè, quin viderim & ex illis quædam, quæ me in aliis, quos secare contigit, musculis observasse, ni fallor, nostri; carneas scilicet fibras in tendinem utrinque definere, & posse in ventre musculi longo brevissimas observari carnes, numerò tamen magnitudinis defectum supplentes.

Abdomine decussatim aperto elegantissimus hepatis situs in se unum nostros vertebat oculos. Ipsum colore flavo ad pallidum vergente tinctum, quod in summo abdomine sub sternò à dextris ad sinistrum patet, spatium basi sua admodum tenui occupans tribus inde lobis, velut totidem linguis, aut dentibus Neptuni fusciam imitantibus in inferiora excurrere ad palmæ extensæ longitudinem, uno per medium ventrem pylorum inter & ventriculum descendente, cum reliqui duo ipsa
utrinq-

utrinque contingerent abdominis latera. Hos inter lobos duo hiabant intervalla, quorum sinistrum ventriculi replebat amplitudo, dextrum superius vesiculam felleis continebat, inferius recipiebat cum intestini portione pylorum.

Cum verò totum sinistra hypochondrii pars non possideret hepar, nec dextralieniem sibi poterat vendicare, qui intensè rubens cum transversa summi abdominis latitudo hepate plena esset, medium sibi locum sub medio hepatis lobo inter duo ventriculi orificia, vel ut huic subiecto convenientius loquar, ventriculi inter amplam cavitatem & pylorum elegerat, cui stomachi angulo & membranis, & per membranas currentibus sanguineis vasis jungebatur.

Ab altero pylorilatare, quem inferiora versus reflexum intestinum facit, angulus pancreati commodam præbebat sedem, quod ibi non minus, quàm in altero animantium genere, suo ornatum erat ductu.

Ab ore ad anum, quà assumpta feruntur, via quatuor, &, quod excedit, spithamas longa, paucissimis inflectitur locis. Primò circa finem ventriculi, ubi augustior redditus ad pylorum adscendit, inde paulo supra pylorum, ubi versus dextras intortum descendit intestinum, tertio in loco inguine dextro aliorum animalium

respondenti, ubi sinistrorsum tendens circa spinam in recti desinit vestigium.

Linguam in ore, ubi omnia plana, nec ulla vel ecphysis eminet vel apophysis, frustra quæres. Ori continuus sine Oesophago ventriculus unam eandemque cum illo in mortuis videtur conficere cavitatem satis pro mole integri animalis vastam, ita ut amplius oris rictus, geminos simul pugnos transmittens facilè, deglutiendorum corporum haberi possit mensura. Crediderim tamen carnosas fibras, quæ in faucibus crassæ admodum validæque, (velut spiralis quædam linea, vel cochlearis) superius orificium ambiunt, dum sphincteris munere in vivis funguntur, ab ore stomachum parvò quodam trajectu distinguere. Non tamen Oesophagi nomine pars ea meò iudiciò venire poterit, cum quotquot ego fecuerim oesophagi fistulas, omnes duabus contrario ductu incedentibus cochleis fuerint contextæ, ut communia alia oesophagi taceam requisita. Ut verò sit, unde conjicias, quot animantium mortibus unum vivat animal, quæ visceribus suis condiderant viscera, narrabo. Major asellum minorem (*dorsch* vocamus) sesqui spithamam longum cum solea non multo minore famelicâ hauserat alvo, ex minore passerem marinum præter, novemque marinos cancos mediæ magnitudinis,

nis, integram spinam nescio cujus piscis, certè asellò supra nominato non minoris excussimus. Non miror mollem piscium ingestorum carnem hæc intra claustra, tabidæ ad instar, sensim diffuere, sed cartilagine molliores fieri, imò ipsas cancrorum testaceas crustas comminui (quod in pylori vicinia cremorem hinc inde rubore tingentes minutæ illarum particulæ non tam innuebant, quàm demonstrabant,) id verò mirarer magnoperè, si à solo fieret calore nullius humoris interventu. Certè interiorem ventriculi superficiem integens crusta (quæ cocta reliquâ substantiâ firmior duriorque evadit, nec ulla certarum fibrarum prodit vestigia) nulli, quàm glandularum substantiæ mihi videtur similior, & in vivis etiam viscido quodam obducta succo, si benè prematur, ejusdem generis novum denuò succum exsudat; sed de hisce nullus hic differendi locus. Ut dextrum ventriculi orificium validus cingebat sphincter, sic sinistrum arcètè adeò clausum, ut non nisi vi intruso digito pateret via.

Pylorum ultra circa intestini flexum biniductus tunicas inter lati in interiora intestini aperiebantur, nec eodem in loco, nec in eadem recta, sed in partibus sibi mutuò è diametro oppositis, quorum pancreaticus alter, alter bilarius, intestinalis.

lis dictus, hic & Xystico continuus & hepatico.

Intestini interior facies etiam suâ erat intacta crustâ, non tamen æquè ac in ventriculo crassâ. Si non dissectum inverteris, proximè sub pyloro videbis ex tunicis ejus elevatam quandam quasi fimbriam ipsissimam cochleæ referre figuram, & ad cæci usque regionem descendere, non aliter ac in cæco cuniculorum intestino sæpius amicis demonstravi. Tres in hac cochlea fibrarum series, exteriores duæ ab intestini tunica obliquè ad extremam ejus oram adscendentes, intermedia una secundum longitudinem decurrens, sed nec illa rectâ incedit; non procul à fine hujus cochlearis laminæ videtur exterior crepido quasi nervea, ita & albicat, & in filamenta resolvitur, quæ opinor nil esse nisi fibras ejus eo loco collectas, & versus inferiora intortas. Ne verò pusillum credas esse corpus, duos digitos, & quod excedit, latum est, octo in versum, uti dixi, intestinum orbibus implicans. Sic gyrorum, quos in aliis longissima faciunt intestina, vices cochleæ in brevissimo intestino sustinent gyri. Quod in his contentum cremoris instar liquidum bilis admixtionem colore prodebat. In cæco, quod breve admodum, & substantiâ parenchymati simile, præter viscidam interiori superficie multas cavernulis asperæ obdu-

ctura

Etiam humiditatem, 'nihil repertum. Unde non obscura lux partis hætenus obscuræ usui videtur accedere', ut ex illis prope diem elucescet, quæ Celeberimus SIMON PAULLI de hoc intestino meditata quadripartito suo brevi, Deo volente, recudendo fusè inseruit, ubi variæ & Anatomicæ, & practicæ historiæ ignobilem hucusque partem, & inertium otiosarumque quas *σμηῖς χείρ* tantum factas dicimus, classibus adscriptam, nec inertem, nec otiosam, sed alius, magisque necessarij muneris, quàm *σμηῖς χείρ* factam elegantes docebunt. Mesenterium hic quasi nullum, cum intestinum cætera liberum, non nisi paucissimis in locis recipiat vasa intra membranam minimè latam procedentia, & hinc facilis ejus prolapsus, quem initio dixi piscatoribus imposuisse, ut penem crederent.

Circa imum abdominis ad spinæ latera corpus rubicundum spithamam longum, digitum latum, sed minus crassum, variè sectum fissumque illi per omnia simile erat corpori, quod in avibus analogæ occupat loca, quod in omnibus avibus, serpentibus, quadrupedibus oviparis atque etiam piscibus renes appellat Harvejus *de generatione animalium*, quodque Aristotelem, aliosque Philosophos latuisse ibidem ipse pronunciat.

Remotis, quæ nutritioni dicata, instrumentis, generationis organa in conspectum prodire, quorum magna in hoc pari differentia, cum junior altera necdum concepisse videretur, altera grandior, ovis plena, partum non infrequentem viarum testaretur amplitudine.

Oviparum hoc animal ovis & generandis, & excludendis duo distincta obtinuit organa, utroque puta in latere unum, magno partium apparatu, nec artificio minori constructa.

In ovario præter ova, quæ numero plurima, magnitudine diversa, & præter intelligentes ova membranas, perque membranas excurrentia sanguinea vasa, & omnia connectentes varios fibrarum plexus, etiam substantia, cui incumbunt, notanda, quam primo quidem intuitu pancreas salutaris, is illi & color & mollities, dissectam verò liquore quodam crasso sanguineis striis album colorem inficientibus repletum invenies; dubito tamen anne parenchyma fuerit tabefactum, cum expresso hoc succo remanserit nihilominus membranæ accumbens ejusdem coloris solidior substantia multis vasis instructa, quæ nulli, quàm glandulosæ, magis videbatur affinis.

Licet uteri nomen, quæ mereatur pars, in qua nempe conceptio fiat, & conformatio, conformatique nutritio desideretur,

tur, pro utero tamen, licèt parum commodè, haberi poterit, quod ab ovario non usque adeo remotum albicans corpus figurâ renem imitatur, à cujus cavitate media, quæ totam ferè latitudinem ejus æquat, cloacam versus uteri descendit colulum satis & amplum, & crassum, sursum verò ad diaphragma usque cornu ejusdem tendit, tenui admodum, ruptuque valdè facili substantia conflatum, cujus verus finis neutro in latere quærentibus se sistere voluit. Utrumque cornu flatu distentum ad diaphragma usque continuavimus, ubi liberum aër inveniebat exitum.

Ipsium uteri hic ita distinctionis tantum gratiâ dicti corpus ab integente tunica liberatum, dissectumque duplici constat substantiâ, exteriore albicante, interiore cineritiâ, eandem ferè colorum diversitatem sortitâ, quæ cerebri medullam à cortice distinguit. Sed nec totum quod album, ejusdem substantiæ corpus: invenies enim fibras plurimas ab intima tunica ad extimam latas, in medio longiores sensim versus latera decrescere, & fibras præter in lateribus præcipuè aliam fibræ non distinctam glandulosæ similem. Diversa diversorum uterorum colla non confluunt in unum ostium, sed suo quodlibet ornatum orificio sarcinas uteri deportant in commune utrique receptaculum,

culum, quod aliàs cloacam in avibus dicunt, licet illud ab intestino separet intergerino pariete membrana.

In juniore solum, quod ovis substratum, albâ sua mollietate se conspicuum reddidit, in utroque latere, plurimas ejusdem magnitudinis quasi aqua splendentibus bullas sibi mutuò oppositas circa medium sui exhibens. Ipsi verò cum cornibus & collis uteri, non nisi tenuissimum membranae referebant tubulum, unde in communem cavernam exitus stilo, flatuive non magis patens, quam è caverna sursum; quæ manifestè nondum violata virginitatis claustra indicabant.

Ad maris littora, maximè cum contractis Oceani in refluxu limitibus arenarum termini extenduntur, inter alia, quæ recedens unda in arido destituit, testulae frequentes visuntur figuram rectanguli oblongi exprimentes, cujus quæ longiora latera, non secus ac in Sandapila, utrinque parallelogrammi extra superficiem sunt extensa. Inanes eas deprehendere quærentibus semper obvium, rarum verò ab aëre, vel aqua marina, arenave diversam in tumido illarum ventre substantiam reperire, quod Clarissimo Simoni Paulli contigit, qui binas dictis similes, viscoso humore quasi diffluentem tabe mytilorum substantiam referente turgidas, vidit

vidit excussò contentò interiori suâ superficiei testarum, quæ mytulos abscondunt, cœruleum intus colorem imitari: & has ventriculo-rajæ fuisse inclusas, qui eduxerant, pro certo affirmabant. Qui animalium historiam figuris exornatam nobis dedere, dictis similem depingunt testam, cum incumbente illi ovorum racemo, voluntque & ova rajæ ova esse, & testam rajæ uterum appellandam: quam id bene non dixerò, mihi autem cur minus videatur vero simile, rationes edam. Miror Rondeletium, Gesnerum, Jonstonum, tantos viros, hæc tam leviter examinata, simpliciter adeò & absolutè pronuntiasse, nec ad uteri in animalium generatione diligentius attendisse usum. Quod quæso animal cum partu exclusum rejicit uterum? & quot uteri tot sufficerent ovis, quibus numero carentibus rajarum in utroque latere luxuriant ovaria? Sunt fautor in Anatomicis exercitatissimi Viri, quibus ovum uterus est expositus, quod in itaque testula hæc rajæ esset ovum, exororum sententia etiam uteri mereretur nomen. Ne vero vel fallamur ipsi, vel alios videamur fallere, omnes & ovi & uteri imprægnati perscrutemur partes, quo pateat, an ritè omnia perpenderint, qui ovum uterum expositum dixêre.

Ovi partes vel in pulli abeunt substantiam,

tiam, ut albumen & vitellus, vel pullum ambiunt, ut involucra, quorum alia ipsi animali adhærent, ut colliquamento innatantem pullum claudens amnion, intestinis annexus vitelli sacculus, & omnia involvens chorion, alia à vasis ab omni parte libera sunt, quæ triplicia: tenuis nempe, quæ chorion proximè ambit, membrana, & hanc excipiens crassior alia, quæ alba est, tandemque omnia duritie suâ tutiora reddens exterior cortex.

Et hæc quidem quas in ovo distinctas numeramus, partes sunt; quibus quid turgens foetu simile possideat uterus, institutâ comparatione patebit. In utero quidem & humores unde foetus exsurgit, colliguntur, nec desunt quæ humores foetumque involvunt, foetui continuæ membranæ, saltem in brutis triplices, cum allantoidem non in vaccino tantum, sed & in ovillo integram separaverim, etiamsi illam se in ovillo non invenisse fateatur Harveyus Exerc. 68. Cum verò hæc illa non sint, quæ uteri in viviparis veniunt nomine, satis liquet, illarum ratione id ovo non attribuendum nomen. Quid ergo residuum? certè corticem una cum duabus membranis ab omni vasorum communione liberis, quæ sola supersunt, nemo uterum dixerit, nisi simul id uteri solum diceret munus, ut foetum contineret;

neret, nullum præterea vel cum matre, vel foetu commercium habentis, quod esset longè infra partis artificiosissimæ dignitatem: cum solus uterus id omne viviparis præstet, quod ab ovario, oviductu, ovo expectant ovipara.

Ea namque illius substantiæ fabrica est, ut certis in locis arteriæ matris omnem ibi transudent humorem, quem ab ovarii caice, & oviductus incrassato sed molli & lubricante corpore accipiunt ova. Ipsum vero corpus uteri non modo idem, quod exteriora tria ovi involucra, præstat, sed & à matre vitam habens, sensumque & motum, ut foetum, dum gestat, moderato calore fovet, ita justo partus tempore, ad eundem in lucem protrudendum confert plurimum; qualis uteri motus in sectione vivorum animalium manifestissimus. Adde quod omnis uterus dum foetum gerit, ovum gestet: quod licet ovo exposito hac in parte cedat, quod ante formatum foetum non omnia, quæ foetui formando augendoque necessaria, possideat, sed eo sensim crescente nova à matre accipiat incrementa, in eo tamen simile sit, quod nullum cum matris vasis habeat commercium, ut ut contrarium lactenus à plerisque creditum.

Cum itaque quæ utero cum ovo communia, non sint ea, quorum gratiâ id ute-

rus

rus obtinuit nomen, quæ vero residua in ovo, non nisi mortua quædam involucra sint nec à matre, nec à foetu vitam habentia; cum ipse insuper uterus foetui largiatur ea omnia, quæ ab ovario, oviductu, ovo accipit pullus, imo verum intra se foveat ovum, iustoque tempore foetum luci exponat, non poterit nisi admodum *καταχρηστικῶς* ovum uterus appellari.

Liquet inde manifestè, etiamsi dicta testula rajæ continuisset ovum, uterum tamen minimè dicendam. Restat disquiramus an certa dentur phænomena, quibus evincere liceat, rajæ fuisse ovum. Si essent nobis, quæ rajarum evagandi licentiam coërcerent, vivaria, brevi decideret illam controversiam autopsia; quibus cum destituamur, merebimur veniam, si nihil nisi quod ex datis verè colligere integrum admiserimus. Ovaria rajæ & oviductus cum iisdem in terrestrium genere conspiciendis organis conferenti haud facile suaseris, ovum, quod dum ovario inhæret, rotundum est, inde prolapsum tenues quatuor tenerasque etiamsi longas ecphyfes assumpturum: à quadrato non multum recedens interior ejus, quod ovario proximum, corporis cavitas quadratam testæ figuram, planamque produceret forte, secunde ejusdem testæ deduceremus ecphyfes? nec bene conveniunt inter se historiarum

fac

fac visum illi adhærere ovorum racemum ,
quod pictura autorum demonstrat , quid
aliud inde colliges , quam piscem quen-
dam , forte rajam sua super id corpus effu-
disse ova ? At è ventriculo extractæ nihil
omnino probant , cum patens oris pictus
obvia quæque absumat. Potuisset , fateor ,
ejectum utero ovum hausisse mater , pro-
lis sepulchrum , sed speciem hoc quandam
veri habet , præterea verò nihil , cum eâ-
dem evidentiâ liceat dicere , zoophyti quod-
dam fuisse genus a raja absorptum. Quous-
que enim vel in oviductu rajæ non reperta
similis testa , vel non visa ex tali tegmine
prodire rajæ proles , cum magnorum viro-
rum autoritatem non temerè velim con-
vellendam , aliorum hæc deferam judicio
alterius examinanda. Suffecerit id demon-
strasse , dictam testulam , si vel maximè ra-
jæ fuisset ovum , uterum tamen rajæ mini-
mè fuisse dicendam.

Et sic quidem relicto abdomine ad ipsa
vitæ penetralia ferro aperiebatur via , ubi
distinctum ab integente totam cavitatem
membrana pericardium desiderabatur. To-
tius formam , sed inversam , cordis imita-
batur figura. Planum namque & illud api-
ce caput exprimens pro cauda carnosam
acceperat portionem à basi aortæ orificium
separantem , laterum verò extantes angu-
los baseos angulis eleganter referebat. Unus
ipfi

ipfi ventriculus, nec nisi una cor inter faucesque sita auricula, quam cavæ transitus hoc nomine jubet appellandam. Carnosis fibris contextum utrumque corpus cocti docuit resolutio. Quo loco arteria se in ramos findit, oris tunicæ vicina latet glandula flavo colore tincta.

Pulmonum nec clarius hic, nec obscurius, quàm aliis in piscibus, vestigium. In ore interiùs utroque in latere quinque dehiscentes rimas si inspexeris penitiùs branchiarum videbis latibula ita formata, ut hausta ore aqua, his ubi emissã fuerit portis, iisdem regredi nequeat, quod exterius supra quodlibet foramen descendens cutis illud tegat.

Jam verò quid innumeri, quibus ornatæ superbiunt branchiæ, vasorum sanguineorum ordines aliud efficiunt, quàm ut contentus in illis sanguis ab ambiente mutationem patiat, sive id contingat de suo aliquid emittendo, sive recipiendo externa, sive una & eadem operâ utrumque præstando. Et rem ipsam potius, quàm rei vel conceptus, vel verba intuentes obsecro, videant numnè eodem res tandem recidat, sive receptum cavitate ambiens eadem, quã admissum, vi emittatur, sive unã viã ingestum egeratur aliã, modò in transitu vasorum sanguineorum contingat extrema, quæ in pulmonibus.

nibus asperæ arteriæ ramos ambiunt, in
branchiis prominent nuda. Namque vel
id saltem in respiratione certum, requiri,
ut ambiens, sive id aqua fuerit, sive aër,
semper novum ad vasorum feratur extre-
ma. Benè quidem videntur agere, qui
pulmones piscibus denegant, cum diversis
organis diversa competant nomina: inde
tamen non sequitur deesse piscibus, quâ
simile quid præstent, partem. Nec malè
suadent respirationis voce cautè utendum,
si derivationem respicimus; cum aqua
spiritus nomine venire commodè neque-
at. Sed cum crediderim terrestrium vasa
non magis, qui nos circumstat, crassum
haurire aërem, quàm vasa piscium aquam
imbibere, quis scit, anne idem illis præ-
tet aqua, quod nobis aër, subtiliora suis
complexibus contenta corpora, quæ quo-
rundam sunt spiritus, illis largiendo, si
aliàs largiuntur quicquam; nam si tantum
recipiunt egesta, res facilis & nulli contro-
versæ obnoxia est.

Maximam parit difficultatem cordi de-
negatus alter ventriculus. Sed nec hæc,
si aliàs ritè perpendantur singula, tanti
nobis erit. Demus non omnem per bran-
chias ferri sanguinem, certe nec renes,
nec hepar, nec alia viscera omnis per-
meat sanguis, & toti nihilominus eadem
sanguinis serviunt massæ. Sed pressius :
ut

ut taceam embryones, quibus quid reponi possit, non me fugit, in adultis etiam, si credimus Anatomicis, à dextra in sinistram auriculam via patens aliquando reperta testatur, quibusdam in hominibus non omnem per pulmones transmitti sanguinem: Sed ne ab insolitis ad solita procedere videar, consideretur quæso illa sanguinis quantitas, quæ per branchias transfertur, & patebit sufficere illam, ut cum reliquo inde sanguine in auricula concurrens ad convenientem omnia proportionem faciliè reducat.

Cum itaque, quem in aliis animantibus pulmones, eundem sanguini in piscibus branchiæ præstent usum, licet hæ ab illis in quibusdam discrepent, non est quod affixam spinæ nigricantem substantiam hic ad partes vocemus, aut ad alia confugiamus diverticula. Animalium vitæ conservandæ nihil æquè necessarium ac reciprocus ambientis ad sanguinea vasa accessus recessusque, quod sive fiat eò in interiora receptò, (idque vel multifidis asperæ arteriæ ramis, ut in quadrupedibus volatilibusque, vel vesicarum cavitatibus, ut in ranis,) sive exterius prominula branchiarum vasa lambente, eodem tandem recidit, cum pulmonum ubique præstetur munus. Non itaque quod pulmonibus destituantur, muti vocandi sunt pisces, sed quod pulmones obtinuerint

erint inversos, adeoque ab ambiente possint affici, etiam si illud cavitate receptum per fistulam quandam non ejiciant. Ad sonum namque ab animalibus edendum, id tantum videmus requiri, ut per angustias transiens fluidum sonorum in ipso per obsidentia angustias offendicula transitu elidatur.

Excidisset ferè visu dignissimum pupillæ operculum. Solis discum fulgentibus radiis undique coruscantem vix elegantius depinxerit Apelles, quam in rajæ oculo ex parte factam ab illa, quæ colores omnes animat, natura: usque adeo & radosiorum, qui medium stipabant orbem, accuratissimus erat ordo, & totius disci aureus micabat fulgor: solum hoc desiderabatur, quod integram radii non absolverent coronam, relicto, quo iridi nominis aureæ superius operculum neceretur, arcu. Verè namque uveæ pars erat, adeoque inversa parte more uveæ fusco colore imbuta. Miranda fabricæ elegantia, id & mirandus magis usus. Quod à palbris (quarum superior plane nulla, inferior vix notanda) sperare non poterat pupilla, id descriptum hîc organum ipsi rigitur, radios modò admittens, modò excludens pro diverso agentium interorum externorumve impulsu. Usque adeo certis agendi organis non alligata est

D

natura,

natura. quin diversis idem præstare munus valeat instrumentis, quod hic uvea, pulmones, intestina demonstrant. Cui non itaque vel hoc certissimum erit, organorum diversos modos quò felicius, pleniusque à priori deduxerit ratio, eò minus in certis certam eam esse subjectis, nisi per experimenta rem determinaverint sensus.

Multa de re non ita magna protulisse videor: sed & pleniora eadem reddidissimè, & alia addidissimè plura, si cum in manibus esset culter, incidissent eadem. quæ cultro succedens calamus desiderabat. Nec enim clarissimo Præceptori id erat otium, ut ad particularia omnia descendere, nec mihi raro piscium sectori, rajarum viscera inspiciendi unquam data facultas, ante quàm eo me invitaret Celeberrimi ejusdem Viri humanitas, cui, ut cætera ejus paterna in me merita, quæ grata semper mente recolo, taceam, vel hoc solum nomine plurimùm debeo, quod hic occasionem mihi suppeditaverit ea observandi, quæ si publici forte saporis non futura, Tibi saltem non displicitura ex doctissimis simul & suavissimis Tuis de itinere Brasiliensi sermonibus colligo, quorum jucundissima semper mihi erit memoria: undè non obscure perspexi, què illius Terræ miracula scrutandi desiderio fla

flagraveris, quantumque rerum natura-
ium contemplatio passa dispendium, quod,
quo ibi moratus es tempore, per alias oc-
cupationes non potueris Tuis ad satieta-
tem frui votis. Quæ Tua nullos cum agno-
cat limites curiositas, nec rarioribus ita se
ddixerit, quin & in communissimis rarissi-
ma delitescere judicet, non poterit meum
hæc Tibi transmittendi studium jure ac-
cusari. Fuisset verò mearum partium eò
ingula cultu exornasse, qui Tuum sine
labore sustineret adspectum: Sed licet
regens iter votis obstiterit, nolui tamen,
sque dum ad maturitatem pervenirent, ea
opprimere; cum ab honesto quolibet
em mihi pollicerer, quod Tua certò
omittit humanitas, quæ res non verba
spicit, ubi verò etiam res opinione te-
niores, voluntatem metitur, non vires.
erbis Te quàm officiosissimis salvere ju-
t, cujus hæc facilitati debentur omnia,
arissimus Simon Paulli: Jussisset idem
celeberrimus Bartholinus noster, (à quo
mi honorifica sæpè facta mentio) nisi sua
um prædia nobis inviderent. Vale, Ce-
errime Vir, & fave

Hafn. Anno 1664.

24. April. st. v.

Tibi addit.

Nicolao Stenonis.

AD

Celeberrimum

PAULLUM BARBETTE,
PRACTICUM EXPERI-
ENTISSIMUM,

DE

VITELLI IN IN-
TESTINA PULLI
TRANSITU

EPISTOLA.



Multa hoc seculum in
Anatome protulit insolita
quæ si monstris annueran-
da, numerosa monstrorum
fobole non Africæ cedere
Anatome. Et quidni monstra diceres, qui-
bus tanta cum monstris affinitas? Sunt ibi,
quæ omnibus merentur monstrari, mo-
vente admirationem rei novitate; nec de-
sunt, quæ, quod à solitis naturæ legibus
deficiunt, se exhibent verè monstrosa
sæpissimè verò ubi nihil in re monstri
monstrum fingit videntis præcipitantia
Sic & ipsi multa mirantur Afri, non aliò fa-
nè nomine, quàm quod non ante visa om-
nibu

nibus judicent monstranda ; interdum
verò diverſi generis animalia communes
ad aquas confluentia jungens caſus hybri-
da parit, ut aliàs aliis modis in operando à
ſolita via deſlectens natura monſtroſos illis
edit partus : cum verò credita occurrentis
deformitas ad primum ilicò adſpectum
terrore pavidos in fugam vertit, mon-
ſtrum ſæpe fingunt ipſum viſum (forte
nihil minus quam monſtroſum) deformi-
tate millies excedens, melancholicorum
ritu & ſuperſtitioſorum, qui inanem quen-
dam ſtrepitum ludentes nubium figuras
coloresque, imo propriam ſæpe umbram
& alia levia puerorum terriculamenta ne-
ſcio quibus non ſpectrorum prodigiorum-
que nominibus deſcribunt, creduliſque
tanquam verè viſa prodigia, quorum ta-
men longe diverſa facies, nullò negotiò
perſuadent. Ut verò Afros & credulos fal-
ſit terror, ſic Anatomicis imponit lætitia ;
cum viſum quoddam prima ſpecie inſo-
litum, conceptæ opinioni favens vel novæ
meditationi anſam porrigens, ad *εὐθυμίας*
ingeminandum illos propellit, nullo ad
accuratius examen præmittendum con-
ceſſò locò. Sunt & alii nonnunquam ani-
mi motus, hîc reticendi, qui multos mon-
ſtroſorum ſcriptorum reddiderunt paren-
tes. Odioſum foret, modernis ea exemplis
illuſtrare, & ab antiquitate petita qui affer-

ret debitam illi venerationem videretur denegare. Nec opus aliunde accersere, quod in se cuilibet deprehendere, promptum. Nec enim credo quenquam Anatomicos non nimis parcum nimisve infrequentem cultorem inficias iturum, quin ut interdum nova quædam, quædam videt à solitis diversa, sic non raro non visa se vidisse sibi persuadeat.

Et quid mirum ubi animalium per experimenta cognitionem investigare nituntur, quos animi celeres motus velut turbine quodam actos abripiunt, multa in Anatome venditari monstra, nunquam ab aliis, quantumvis sedulò id agentibus, invenienda? Animus, nisi pacatus fuerit, quæ considerari & possunt & debent, considerandis nullò vacabit modo; at nisi, quantum per objecti licuerit vel subtilitatem, vel varietatem implicitam, minima quævis notentur, prona in errorem & facilis admodum via est. Ut itaque magnâ in sectione omni, & circumspectâ opus attentione, ne suâ sponte plus nimio mobiles oculos vaga mens à præsentī abducatur; ita maxima adhibenda cautio, cum quid receptæ communiter sententiæ repugnans occurrit, ne quis exteriori specie deceptus ante victoriam canteat triumphum. Me aliorum vestigia teruere admodum, nec ausim in re insue-

ta meis quicquam tribuere oculis, nisi repetito frequentius ejusdem rei examine, alios quoque rei, de qua agitur, gnaros visorum habuere testes. Quod si itaque in iis, quæ modo lecturus, quid offenderis monstro simile, certò credas virorum in anatome exercitatissimorum oculis examinatum.

Ipse inter monstra numerare cœpi, cum viderem, *quod in pullo vasis umbilicalibus ex vitello receptum ad portam deferri hactenus creditum, alimentum ex ejusdem vitelli tunica immediatè per ductum peculiarem mediò intestinorum ductu excipi.* Absurdum multis visum per os nutriri pullum, quanto absurdius per ipsa nutriri intestina, maximè cum in nullo vitæ statu id fieri, vel mentis unquam finxerint oculi? Nam dum sine aëre in humoribus vivit animal, multi per venas unabilicales fieri voluere, & volunt etiamnum, nutritionem: alii per solum os docent, cui innatat fœtus, liquorem in corpus demitti. In animali perfectò, alimentorum ostium os audit, ubi non modo solida fluidaque per œsophagum descendunt, quæ communis opinio est, sed & spiritum aëreum pulmonibus æque ac reliquis corporis spiraculis omnibus hauriri Chymici quidam non tam suspicantur, quam asserunt: In ægris narrant historiæ multos, odore solo ad aliquot dies

produxisse vitam, nec paucis profuisse clysteres nutrientes: Sed cui vel somnianti incideret ullum vitæ statum esse, quo in media intestina ingereretur alimentum.

Quo itaque peregrinum magis, magisque *παράδοξον* visum, eo studiosius attendendum judicavi, ne fictum pro vero, pro naturali monstruosum venditarem, donec omne dubium metumque omnem tolleret sibi semper constans in omnibus, quæ consului, subjectis observatio, quæ in sequentibus consistit.

Ut albumini, sic & vitello sua est in ovo membrana, sanguineis utraque donata vasibus, quarum quæ albumen includit, rupto ovo perit, altera intra abdomen recipitur, diuque in pullo deprehenditur, etiam post tricesimum ab exclusionem diem juxta observationes Harveji. Vasa utriusque membranae *umbilicos* appellat Aristoteles, vultque qui vitellum adit, umbilicum intestino tenui annecti: sed sive abdomen extra propendeat vitellus, sive contrahentibus se sensim abdominis involucris introrsum lateat retractus, peculiarem habet, quo mediante intestino annectitur, ductum, vasis sanguineis medium intestinum transcendentibus utrinque stipatum, unde factum ut sanguinea vasa tertium ductum involvendo inventioni ejus obstiterint. Vitelli tunica sacculum refert ampli ventris, sed oris admo-

admodum angusti, unde ad intestina medio fere principium eorum inter & finem loco vasculum progreditur vasa sanguinea crassitie vix æquans, insuper colore ligamentum simulans, ut nisi transmissus humor pervium argueret, nervum crederes. Modus, quo intestina subintrat, non differt à ductus pancreatici insertione: nisi quod hic eidem affigatur lateri, quo mesenterium intestinis adhæret, vitellus autem opposito latere viam patentem inveniatur. Hæc viâ liquefactus & in limpidum liquorem mutatus vitellus in intestina transfunditur decrescente sensim cum contento continente, donec tandem, omni succo exhausto, intestino adhæserit tuberculum oblongum & cavum, quod solum semper manet vitelli vestigium, ut hujus ope etiam in adultis possit demonstrari, quo loco per intestina ingessum alimentum. Ut verò essem de rei veritate tanto certior, intestinum aperui, pressoque sacculo vidi per descriptum modo vasculum tenuiorem primo liquorem effundi subsequente eum crassiore: quod cum eodem semper modo succederet tentanti, conclusi demum hanc esse viam, quâ pulli corpus vitellus subintrat, vereque in intestinis æque ac in ventriculo fieri, quam vocant, chylificationem. Sed quo patent omnia plenius, quæ me in hujus rei examen detulit, occasionem brevibus referam.

D 5

Diu

Diu in suspenso dubium me detinuit hepatis officium, nec in hanc usque horam vel aliunde discere licuit, vel experimento videre, quæ ad illam rem certò determinandam sufficerent. Qui, quod ingenio valent, soli omnia deferunt rationi, cum sua singuli tantum non dictatoriè pronuntiare videantur placita, & qua explicandi modum toto inter se qui dissident cœlo, quâ probandi fiduciam conveniant, non poterit quis anticipationem mentis vitans, nec ulli sectæ addictus, quam è multis opinionem, ut certiore tutò assumat, faciliè divinare. Experimentis verò faciendis qui se totos addixere, tantum abest omne sustulerint dubium, ut opus omne multò reddiderint intricatius, dum, quas illa veritatem investigandi methodus præscribit, leges vel non observent incauti, vel gnari scientesque spernant ad arreptam semel sententiam, cui tanquam scopulo semper hærent affixi, cuncta & visa, & non visa referentes. Id quod non alia in materia elucet clariùs, quam ubi de chyli via quæstio instituitur. Tandem confirmatâ lactis verâ lymphæque viâ, licet rationis dubia removisse videretur experientia, multorumque experimentorum fallaciam eadem imitantium industria detexisse, hæc nihilominus mansere, quæ ancipitem redderent veritati studentem

ani-

animum. Primo quod non constaret omnem hac viâ ferri chylum, cum id tantum docerent visa, ex alimentis assumptis partem per intestinorum tunicas transcolatam per lactea in cavam sursum mitti; jam verò quis spondebit reliquum omne in excrementum abiturum? quis falsi convicit omnes illos, qui credunt, venarum id esse munus, ut non tantum ab arteriis transfusum revehant sanguinem, sed & quicquid earum ostia subintrare aptum, unà cum sanguine cordi inferant? id quod si admiseris in omni reliquo corpore, quæ ratio intestinis simile quid denegandi? Huic dubio non minoris momenti aliud se adjungit, quod nempe in omni animalium genere de hac eadem re non facta inquisitio. Quod si itaque invenienda animalia, quibus denegata lactea, vel si notandum vitæ tempus quo sanguinea vasa acceptum extremis suis alimentum in jecur primo transmittant, quidni aliis etiam similia tribuenda, præcipuè quousque nihil repertum, quod contrarium demonstret? Quanti hoc faciendum, licet à paucis notatum, dubium, ut alia taceam, quæ ab hoc fonte petita movere possem non pauca, solius Harveji docebit exemplum, qui quod credidit in avium genere vitellum per vasa umbilicalia in hepar ferri, venas lacteas rejecit.

Hinc Exerc. 2^o ait: Et si valet argumentum à ductu venarum umbilicalium, (quas ad jecoris portam unò aut alterò truncò terminari diximus) pullus jam eodem prorsus modo nutritur, alimentò ex vitello per vasa umbilicalia attractò: quò postea chylo ex intestinis per venas mesaraicas traductò alitur. Vasa enim utrobique ad jecoris portam terminantur, ad quam nutrimentum pariter attractum deferunt. Ut ad venas lacteas in mesenterio (quæ in pennatis nullibi reperiuntur) confugere non sit opus. Quæ mihi verba non levem injecere scrupulum statuenti, si in pullo id venæ munus obeunt, non in aliis facile animalibus, vel alio vitæ tempore eum illis honorem detrahendum. Hinc factum, ut nunquam ausus hepati adversari, licet nec unquam ejus secutus fuerim partes. Tanti mihi namque fuit autoritas Aristotelis, Harvejique ut illud de vitelli in hepar diadosi per umbilicalia vasa tanquam certum admitterem, quandoquidem rationi non viderem repugnare.

Cum verò in illorum Historia, quid exhaustò vitello de sacculo fieret, & quædam alia non magni quidem momenti, ad circumstantiarum tamen plenam recensionem facientia desiderarem, incubanti ovis gallinæ unum subtraxi, cujus testam jam tum ruperat exitum maturans pullus.

De-

Deductis involucris latentem prodidit vitellum abdominis tumor. Non recensebo, quæ circa modum, quo abdomen involucris obducitur, notanda spectatori, quam lectori, gratiora futura, sed missis omnibus dicam, dum vitelli è sacco in hepar credulus rimarer vias, non quæsitum ex eodem sacco in intestina transitum se mihi ultro obtulisse inveniendum. Sic sæpius aliorum asserta nobis oracula sunt, donec, quantum à vero recedant, accuratius examen demonstraverit. Legeram Aristotelis sententiam confirmantia Harveji verba, videbamque utrique faventem rationem, quo effectum, ut ne dubitandi quidem vel minima mihi oriretur suspicio, donec totum momento quasi subverteret autopsia, quæ autrix ut & hoc subducto tibia, hepatis tanto magis jam vacillet thronus. Cum enim cæcus quilibet, cui innatat, humorem ore assumat, cum pullus albumen ore, vitellum excipiat intestinis, nullum video argumentum, quod certò demonstret, ex humoribus partem hepatis prius, quam cordi, inferri per vasa umbilicalia, licet, quæ idem speciosè suadeant, minimè desisterentur. Nec enim partium ego ducor stultio, nec hepatis unquam bellum indixi, sed id tantum ab ejus patronis optavi efficiendum, ut experimenta darent, quibus

rationis confirmarent inventa. Hinc licet, datis jam manifestis & patentibus alimenti viis, vasorum umbilicalium muneri hos præfigere liceret limites, ut suo calore, forsan & per vasorum extrema transfundante quocunque demum fluido, humores nutriendo corpori tantum redderent aptos, nullos verò in corpus deferrent; dum tamen de eo, quod venarum ostia recipiunt, (an sanguis tantum sit, an verò & præter sanguinem, admota quælibet poris congrua,) nondum determinata lis, eò audaciæ progredi, res infida videretur.

Est autem ponderis non adeo parvi quæstio, quâ disquiritur, quo modo parti corporis admota quæcunque suas in corpus transmittunt partes. Sunt, quæ illas recipere possunt, venæ, nec defunt in multis animalibus, quibus idem munus tribuerent nonnulli, lymphatica: Quod si verò volueris per poros cutis, membrarum, musculorum, ossium, ad intima penetrare viscera, vel subtilem hic tantum intelligas oportet materiam, ut in actu frigidis, calidisve, quemadmodum & in magneticis, vel ipsas partes, adeò vi morbi relaxatas, ut vera sit diapedasis, nisi forte ea fuerit materiæ acrimonia, ut obstantia quæque, vel ferrea, perrumperet. Visa fa-
teor bilis non rupto folliculo vicina loca flavo colore inquinasse, & observatum per
vesi-

vesicam bubulam transsudasse aquam, re-
pertusque intra suspensam in statuario-
rum officina vesicam lapidum cæforum
pulvis, qui clausum arctè vesicæ orificium
non facilè penetrasset: sed, quod vel la-
xatis morbo membranarum fibris, vel
eisdem exsiccatis adscribendum, locum
in vivo & sano non invenit, ubi & spiritu
repleta sint omnia, & humore. Quod ita-
que cordialia cordis regioni imponantur
epithemata, non aliam video rationem,
quam quod venarum ab illa cutis parte ad
cor usque extensio brevior sit, quàm si ma-
nibus idem applicares, quandoquidem,
aliàs qui pilam purgantem manibus ægro-
rum jubebat continendam, non diffici-
lius alvum moverit, quam qui ejusdem fa-
cultatis unguentum umbilico illineret, ut
adeoque & hic & ibi nulla fiat per solido-
rum poros penetratio, sed tantum vasis
receptarum partium cum sanguine mistio,
unde speratus resultat effectus. Eadem
cantharidum ratio, nec verè dicti veneni
diversus modus. Sed longum foret, quæ
generalis hæc quæstio involvit, omnia evol-
vere. Cum itaque quæ exterius admoven-
tur corpori, venarum ostiis recepta illa-
rum sequantur ductum, quidni etiam,
quæ membranis uteri continentur, liqui-
da sui partem umbilicalibus offerrent?
speciosa hæc ratio, sed non ubique locum
inve-



inveniens. Quis enim crederet in renibus nuper à sanguine, aut undecunque demum, saltem ab aliis utilibus partibus secretam urinam in vesica iterum à venarum extremis resorberi? quod aliàs omnino largiri tenetur, qui venis omnibus eam dedit fabricam, ut præter sanguinem admota alia, modo ingredi apta, excipiant. Quicquid enim urinâ majorem penetrandi vim possidet, quæ exterius admota suas ilico exferat vires? Pari ratione de bile, de aliis excrementis liceret concludere. Quod si hinc naturæ propria excrementa abominantibus fastidium objeceris, parum efficies, cum multum de prudentia ejus detraheret, si quæ in vesica prudens adeo est, in cute tam parum cauta deprehendatur, ut quod in vesica noluerit vasis recipere, in cute sanguini patiatur immisceri. Quod si autem oblinentem interiora vesicæ pituitam ad partes vocaveris, commodiorem videreris afferre rationem. At verò si in vesica urinaria, si in bilis folliculo, si alibi admiseris impedimenta prohibentia, ne sanguini jungatur, quod alio corporis loco penetraret liberè, quis nobis interiorum membranarum fœtus superficiem adeò probè cognitam perspectamque dabit, ut ausit suam liberè pronuntiare sententiam? Ut autem de umbilicalibus dubia res, sic de portæ ramis parum certa veritas, tum ob datas modo rationes,

iones, tum quod non lactex tantum lym-
phaticæque venæ, sed & glandulæ conglo-
atæ mesenterii in avibus, piscibusque nec-
um mihi visæ, sive id observantis contige-
it culpâ, sive rei in istis animalibus defectu,
quod necdum velim decernere. Quod si
um certò constaret, esse animalia, quorum
intestina omnem chylum venis rubris me-
enterii committerent deferendū, non posses
a aliis animalibus chyli (quò nomine intel-
go, quicquid ab ingestis alimentis secretum
er intestinorum tunicas exprimitur vel in
lacteâ vel in rubra) partem hepati denega-
e, nisi demonstrares vel intimam intesti-
norum villosam tunicam, cujus villi in cy-
indro hoc tortuoso axem omnes respici-
nt, vel aliam diverso modo in diversis fa-
ricatam, in hoc subjecto venis sanguineis
mandare, quod in alio lacteis totum desti-
navit. Sed dubium quod est, relinquamus
lubium, donec longior dies experimenta
lederit, vel muneris pristini partem hepati
effituentiâ, vel omni chyli honore demon-
trantia indignam. Licet parum ad illius
aceret dignitatem, si vel omni chylo libe-
um permetteret transitum, quandoqui-
lem partes solidas (quæ vel sanguinem im-
bellunt vel secernendorum cribra sunt,) ad
anguinem aut generandum, aut perfici-
endum quicquam conferre, hoc seculò
credere plerique desierint. Sed quo me ab-
duxit

duxit hepar? Novam mihi & tantum non
monstruam alimenti in pullo viam Tibi
significare volui, simulque quæ me occa-
sio ad eam deduxit inveniendam, quæ nu-
dè adeo se proponi non patiebantur, quin
hepatis simul habenda ratio; quandoqui-
dem vitellum in proprio sacculo conten-
tum ambient umbilicalia, in intestina re-
ceptum portæ contingant rami, utraque
vasa cum hepate commercium habentia.
Vale, Vir Celeberrime, & ama

Hafn. 12 Jun. st. v.

An. 1664.

T.

Nicolaum Stenonis.

AMSTELODAMI,

ETypographia PAULI WARNAER,
in vico Galli anguli cld. lxxiv.

non
Tbi
Ceci
nu-
quin
qui-
ren-
a re-
aque
encia.

mit.

E R.

